


文獻通考

二百六十三之五


九十一
封建

庫文閣內			
五	二	一	漢
五	四		書
函			
九	〇		
架	冊	號	類



庫文閣內			
二	二		漢
九	四		書
函			
四	〇		
架	冊	號	類

內閣文庫		
番號	漢	2430
冊數	120	(92)
函號	294	3



通考卷之二百六十三

鄱陽 馬端臨 貴與 著

春秋列國傳授本末事跡

隨

隨姬姓侯爵地在義陽隨縣今隨州 桓公六年楚

武王侵隨使蘧章求成焉蘧章楚大夫軍於瑕以待之隨

人使少師董成隨大夫董正也闞伯比言於楚子曰吾不得


志於漢東也我則使然我張吾三軍而被吾甲兵以

武臨之彼則懼而協以謀我故難間也漢東之國隨

文獻通考

卷之二百六十三

一



爲大。隨張必棄小國。小國離楚之利也。少師俊請羸師以張之。熊率且比曰。季梁在何益。閔伯比曰。以爲後圖。少師得其君王毀軍而納少師。少師歸。請追楚師。隨侯將許之。季梁止之曰。天方授楚。楚之羸其誘我也。君何急焉。臣聞小之能敵大也。小道大淫。所謂道忠於民而信於神也。上思利民。忠也。祝史正辭。信也。今民餒而君逞欲。祝史矯舉以祭。以欺鬼神。公曰。吾牲牷肥腍粢盛豐備。何則不信。對曰。夫民神之主也。是以聖王先成民而後致力鬼神。故奉牲以告曰。博碩肥腍。謂民力之普存也。謂其畜之碩大蕃滋也。

謂其不疾疫蠹也。謂其備腍咸有也。

謂民力適完則六畜既大而滋


皮毛無疥癬兼備無所缺也

奉盛以告曰。潔粢豐盛。謂其三時不

害而民和年豐也。奉酒醴以告曰。嘉栗旨酒。謂其上
下皆有嘉德而無違心也。所謂馨香無讒慝也。故務
其三時。修其五教。親其九族。以致其禋祀。於是乎民
和而神降之福。故動則有成。今民各有心而鬼神之
上君雖獨豐其何福之有。君姑修政而親兄弟之國。
庶免於難。隨侯懼而修政。楚不敢伐。八年。隨少師
有寵。楚鬬伯比曰。可矣。讐有釁不可失也。夏。楚子合
諸侯于沈鹿。黃隨不會。使蘧章讓黃。楚子伐隨。軍於

漢淮之間季梁請下之弗許而後戰所以怒我而怠
 寇也少師謂隨侯曰必速戰不然將失楚師隨侯禦
 之望楚師季梁曰楚人尚左君必左君楚也無與王遇
 且攻其右右無良馬必敗偏敗衆乃攜矣少師曰不
 當王非敵也弗從不從季梁謀戰于速杞隨侯敗績隨侯
 逸闞丹獲其戎車與其戎右少師秋隨及楚平楚子
 將不許闞伯比曰天去其疾矣謂少師見獲而死隨未可克
 也乃盟而還 莊公四年楚武王荆尸授師子焉以
 伐隨尸陳也荆亦楚也更為楚兵陣之法將齊謂授子者戟也楚始於此參用戟為陣兵於
 廟入告夫人鄧曼曰余心蕩鄧曼歎曰王祿盡矣盈

而蕩天之道也先君其知之矣故臨武事將發大命
 而蕩王心焉若師徒無虧王薨于行國之福也王遂
 行卒于楛木之下令尹闞祁莫敖屈重除道梁澹營
 軍臨隨隨人懼行成時秘王喪故為奇兵更開直道
 水梁橋也隨人不意其至故懼而行成莫敖以王命入盟隨侯且請為
 會於漢汭而還濟漢而後發喪 楚武王卽位之三
 十五年伐隨隨曰我無罪楚曰我蠻夷也今諸侯皆
 為叛相侵或相殺我有救甲欲以觀中國之政請王
 室尊吾號隨人為之周請尊楚王室不聽還報二十
 七年楚熊通怒曰吾先鬻熊文王文王也之師也早終成王



舉我先公。乃以子男田令居楚。蠻服皆率服。而王不加位。我自尊耳。乃自立為武王。與隨人盟而去。於是始開濮地而有之。五十一年。周召隨侯。數以立楚為王。楚怒。以隨背已伐隨。武王卒。師中而兵罷。按此史家所紀言伐隨。王卒而兵罷。卽左傳所紀莊公四年是也。右傳不言楚脅隨請於周而自尊之說。今錄之以廣異聞。僖公二十年。隨以漢東諸侯叛楚。冬。楚闞穀於菟帥師伐隨。取成而還。定公五年。吳破楚入郢。闞辛與其弟巢。以楚王奔隨。吳人從之。謂徐人曰。周之子孫在漢川者。楚實盡之。天誘其衷。致罰於楚。而君又竄之。周室何罪。君若惠顧周室。施及寡人。以獎

天。衷君之惠也。漢陽之田。君實有之。楚子在公宮之比。吳人在其南。子期似王。昭王兄宮子結也。逃王而已。為王曰。以我與之王。必免。隨人卜與之不吉。乃辭吳曰。以隨之僻小。而密邇於楚。楚實存之。世有盟誓。至于今未改。若難而棄之。何以事君。執事之患。不唯一人。一人楚若鳩。楚竟敢不聽命。鳩集也。吳人乃退。鑪金初窶於子期氏。實與隨人要言。要言。毋以王與吳并脫子期。王使見。王喜欲引見之以辭曰。不敢以約為利。約為要王割子期之心。以與隨人盟。

郊

鄭嬴姓子爵地在今淮陽軍有古鄭城 宣公四年

魯公及齊侯平莒及鄭莒鄭二國有宿怨故魯齊共平之 莒人不肯

魯伐莒取向 成公七年吳伐鄭鄭成季文子曰中

國不振旅蠻夷入伐而莫之恤振整也旅衆也 無弔者也夫

言不能相愍恤 詩曰不吊昊天亂靡有定其此之謂乎有上

不吊其誰不受亂上謂霸王 吾亡無日矣君子曰知懼如

是斯不亡矣 九年晉士燮聘於魯言伐鄭也以其

事吳故魯賂之使緩師范文子不可曰君命無貳失

信不立禮無加貨事無二成公私不兩成 君後諸侯是寡

君不得事君者燮將復之季孫懼使宣伯帥師會晉

人齊人邾人伐鄭 襄公七年鄭子來朝始朝公也

昭公十七年鄭子來朝魯公與之宴昭子問焉曰

少皞氏鳥名官何也鄭子曰吾祖也我知之昔者黃

帝氏以雲紀故為雲師而雲名炎帝氏以火紀故為

火師而火名共工氏以水紀故為水師而水名太皞

氏以龍紀故為龍師而龍名我高祖少皞摯之立也

鳳鳥適至故紀於鳥為鳥師而鳥名鳳鳥氏司歷也

玄鳥氏司分者也伯趙氏司至者也青鳥氏司啓者

也丹鳥氏司閉者也祝鳩氏司徒也鳴鳩氏司馬也

鳴鳩氏司空也爽鳩氏司寇也鵲鳩氏司事也五鳩

鳩民者也。五雉為五工正利器用正度量夷民者也。九扈為九農正。扈民無滯者也。自顓頊以來不能紀遠。乃紀於近為民師。而命以民事則不能故也。言黃帝以來受命皆有雲火水龍鳳之瑞故就以名官。顓頊氏德不能致遠瑞故以民事命官。仲尼聞之見於郊子而學之。既而告人曰。吾聞之天子失官。學在四夷猶信。

虞

虞姬姓。公爵。出自太王子仲雍。生季簡。季簡生叔達。叔達生周虞。仲章及武王克商。求太伯仲雍之後。得周章。已為吳君。別封其弟虞仲於周之北地。在故夏

墟河東太陽縣。今陝州平陸縣有虞城。桓公十年。

初虞叔有玉。虞公之弟。虞公求旃弗獻。既而悔之曰。周諺

有之。匹夫無罪。懷璧其罪。吾焉用此。其以賈害也。乃

獻。又求其寶劍。叔曰。是無厭也。無厭將及我。遂伐虞

公。故虞公出奔共池。僖公二年。晉荀息請以屈產


之乘。與垂棘之璧。假道於虞。以伐虢。公曰。是吾寶也。

對曰。若得道於虞。猶外府也。公曰。宮之奇存焉。宮之奇。虞之

忠臣。對曰。宮之奇之為人。也。懦而不能強諫。且少長於

君。君暱之。雖諫將不聽。乃使荀息假道於虞。曰。冀為

不道。入自顓軫。伐鄭三門。前是冀伐虞至鄭。鄭虞邑。河東太陽縣東北有顓軫。



坂言虞報伐與使病將假今冀之既病。則亦唯君故道故稱虞強以悅其心

請罪於虢。虞公許之。且請先伐虢。喜於厚賂而欲求媚宮之奇

諫不聽。遂起師。夏。晉里克荀息帥師會虞師伐虢。滅下陽。先書虞賄故也。五年。晉侯復假道於虞以伐

虢。宮之奇諫曰。虢。虞之表也。虢亡。虞必從之。晉不可啓寇不可玩。一之謂甚。其可再乎。諺所謂輔車相依

唇亡齒寒者。其虞虢之謂也。公曰。晉吾宗也。豈害我哉。對曰。太伯。虞仲。太王之昭也。太伯不從。是以不嗣

虢仲。虢叔。王季之穆也。虢仲虢叔王季子文王母弟為文王鄉士

黜在王室藏於盟府。將虢是滅。何愛於虞。且虞能親於桓莊乎。其愛之也。桓莊之族何罪。而以為戮。不唯

偏乎。親以寵偏。猶尚害之。況以國乎。公曰。吾享祀豐潔。神必據我。對曰。臣聞之。鬼神非人實親。惟德是依。

周書曰。皇天無親。惟德是輔。又曰。黍稷非馨。明德惟馨。又曰。民不易物。惟德絜物。如是。則非德。民不和。神

不享矣。神所馮依。將在德矣。若晉取虞。而明德以薦馨香。神其吐之乎。弗聽。許晉使。宮之奇以其族行。曰

虞不臘矣。在此行也。晉不更舉矣。八月。晉侯圍土陽。十二月。晉滅虢。師還。館于虞。遂襲虞。滅之。執虞公。及

十二月。晉滅虢。師還館于虞。遂襲虞滅之。執虞公及

其大夫井伯。以媵秦穆姬。而修虞祀。且歸其職。貢于王。虞所命祀自太伯作吳。五世而武王克殷。封其後為二。其一虞在中國。其一吳在蠻夷。十二世而晉滅中國之虞。中國之虞滅二世。而蠻夷之吳興。

號

號姬姓。公爵。出自王季子。號仲。文王弟也。仲與號叔。為王卿士。勲在王室。藏於盟府。而文王友愛二弟。謂之二號。武王克商。封仲於弘農。陝縣東南之號城。今鳳翔府。周室東遷。號公忌父。林父。俱為天子之相。隱公三年。鄭武公莊公為王卿士。王貳于號。王欲分政於號

鄭伯怨王。王曰。無之。故周鄭交質。王崩。周人

將畀號公政。鄭祭足帥師取溫之麥。又取成周之禾。

周鄭交惡。八年。號公忌父始作卿士于周。莊公

十八年。號公晉侯朝王。王饗禮命之侑。王之覲。鄰后始則行饗禮。

先置醴酒。示不忘故。飲宴則命以幣。物侑助也。所以助歡敬之意。言備設。皆賜玉五穀。馬

三匹。非禮也。雙玉為穀。王命諸侯名位不同。禮亦異數。不

以禮假人。言侯不當與公同賜。號公晉侯鄭伯使原莊公逆王

后于陳。陳媯歸于京師。實惠后。十九年。王子頹作

亂。衛師燕師伐周。立子頹。二十年。鄭伯和王室不克

遂以王歸。冬。王子頹享五大夫樂。及徧舞。鄭伯聞之。

群

見號叔曰寡人聞之哀樂失時殃咎必至。今王子頹
 歌舞不倦樂禍也。夫司寇行戮君為之不舉而况敢
 樂禍乎。奸五之位禍孰大焉。臨禍忘憂憂必及之。盍
 納王乎。號公曰寡人之願也。二十一年。晉命于弭同
 伐王城。鄭伯將王自圍門入。號叔自北門入殺王子
 頹及五大夫。鄭伯享王于闕西辟。王巡號守。號公為
 王宮于埤。地號王與之酒泉。鄭伯之享王也。王以后之
 鞶鑑予之。鞶帶而以鑑為飾也。今西方羌胡為然。號公請器。王予之爵
 鄭伯由是始惡於王。二十六年。秋。號人侵晉。冬。號
 人又侵晉。三十年。樊皮叛王。周大夫王命號公討樊

皮。號公入樊。執樊仲皮歸于京師。三十二年。有神
 降于莘。有神聲以接人莘號地也。惠王問之。內史過曰。若之何。對
 曰。以其物享焉。其至之日。亦其物也。享祭也。若以甲乙日至祭先脾
王用蒼服尚青以此類祭之。王從之。內史過往。聞號請命。號請于神求賜
上田之命。反曰。號必亡矣。虐而聽於神。神居莘。六月。號公
 使祝應宗。區史囂享焉。神賜之上田。史囂曰。號其亡
 乎。吾聞之。國將興。聽於民。將亡。聽於神。神聰明正直
 而壹者也。依人而行。唯德是予。號多涼德。其何土之能得。
 號公夢在廟有神人。面白毛虎爪。執鉞立於西阿。
西榮也。公懼而走。神曰。無走。帝命曰。使晉襲于爾門。公

拜稽首。覺召史嚚占之。對曰。如君之言。則蓐收也。天之刑神也。天事官成。官成禍福名以官象成也公使囚之。且使國人賀夢。舟之僑。告其族曰。衆謂虢不久。吾乃今知之。君不度而賀大國之襲於已也。何瘳。吾聞之也。大國道小國襲焉。曰。服小國傲大國襲焉。曰。誅民疾君之侈也。是以遂於逆命。今嘉其夢侈必展。是天奪其鑿而益其疾也。民疾其態。天又誑之。大國來誅。出令而逆宗國。既畢。諸侯遠已。內外無親。其誰云救之。吾不忍俟也。將行。以其族適晉。閔公二年。虢公敗犬戎于渭汭。舟之僑曰。無德而祿。殃也。殃將至矣。僖公

二年。晉假道於虞而伐虢。虞公許之。晉里克荀息帥

師會虞師伐虢滅下陽。下陽虢邑虢公敗戎于桑田。晉

卜偃曰。虢必亡矣。亡下陽而不懼。而又有功。是天奪

之鑿而益其疾也。必易晉而不撫其民矣。不可以五

稔。五年。晉復假道於虞以伐虢。八月。晉侯圍上陽。

問於卜偃曰。吾其濟乎。對曰。克之。公曰。何時。對曰。童

謡云。丙之晨。龍尾伏辰。龍尾尾星也。日月之會曰辰。日在尾故尾星伏不見。均

服振振。取虢之旂。戎事上下同服。振振盛貌也。鶉之賁賁。天策焯

焯。火中成軍。虢公其奔。焯焯火星也。賁賁鳥星之體也。天策傳說星時近日星微

焯焯無光耀也。言丙子平日且鶉火中軍事有成功也。已上皆童謡言童戲未有念慮之感而會成嬉戲之

童戲之

言似若有鄉者或中或否其九月十月之交乎謂夏之九月十月也丙子旦

日在尾月在策是夜日月合朔於尾月行疾故至旦而過在策鶉火中必是

時也冬十二月晉滅虢虢公醜奔京師

紀

紀姜姓侯爵地在東筦劇縣今臨朐縣東壽光縣西

周夷王時紀侯譖齊哀公于周周烹哀公隱公元

年紀人伐夷夷國在城陽莊武縣二年紀裂繻逆女于魯紀大

夫冬魯伯姬歸于紀紀子帛莒子盟于密

桓公五年齊侯鄭伯朝于紀欲以襲之紀人知之

六年魯會紀侯于成紀來諮謀齊難也冬紀侯來

朝魯請王命以求成于齊公告不能紀微弱不能自通於天子欲因

公以請王命公無寵於王故告不能莊公元年齊師遷紀邾郚郚齊

滅紀故徙其三邑之民而取其地三年紀季以鄆入于齊紀於是

乎始判季紀侯弟鄆紀邑判分也分為附庸始此魯公次于滑將會鄭

伯謀紀故也鄭伯辭以難四年紀侯不能下齊以

與紀季盡以國與季夏紀侯大去其國違齊難也公羊傳

大去者何滅之孰滅之齊滅之曷為不言齊滅之為

襄公諱故也春秋為賢者諱何賢乎襄公復讐也何

讐爾遠祖也哀公烹乎周紀侯譖之以襄公之為於

此焉者事祖禰之心盡矣遠祖者幾世乎九世矣九

世猶可以復讐乎。雖百世可也。

邢

邢姬姓侯爵。地在廣平襄國縣。隋改曰龍岡。今邢州。
隱公五年。曲沃莊伯以鄭人邢人伐翼。閔公元
年。狄人伐邢。管敬仲言於齊侯曰。戎狄豺狼不可厭
也。諸夏親暱不可棄也。宴安酖毒不可懷也。詩云。豈
不懷歸。畏此簡書。簡書同惡相恤之謂也。請救邢以
從簡書。齊人救邢。僖公元年。齊師及諸侯救邢。邢
人潰出奔師。師遂逐狄人。具邢器用而遷之。師無私
焉。夏。邢遷于夷儀。諸侯城之。十八年。邢人狄人伐

衛。圍菟圃。衛侯以國讓父兄子弟及朝衆曰。苟能治
之。燬請從焉。衆不可而後師。于訾婁狄師還。狄還邢

衛。十九年。衛人伐邢以報菟圃之役。於是衛大旱。獨留拒

卜有事於山川。不吉。甯莊子曰。昔周饑。克殷而年豐。
今邢方無道。諸侯伯天其或者欲使衛討邢乎。從之。

師興而雨。二十年。齊狄盟于邢。為邢謀衛難也。於
是衛方病邢。二十四年。衛人將伐邢。禮至曰。不得

其守國不可得也。禮至衛大夫守我請昆弟仕焉。乃

往得仕。二十五年。春。衛人伐邢。二禮從國子巡城。
掖以赴外。殺之。正月丙午。滅邢。禮至為銘曰。余掖殺

國子莫余敢止惡其不知恥詐以滅同姓而反銘功

芮

芮姬姓伯爵國在馮翊臨晉縣芮鄉今陝州芮城縣

武王時巢伯來朝芮伯作旅巢命成王時芮伯

為司徒與太保彤伯畢公衛侯毛公同受顧命立康

王厲王說榮夷公芮良夫曰良夫即芮伯王室其將卑乎

夫榮夷公好專利而不知大難夫利百物之所生也

天地之所載也而或專之其害多矣天地百物皆將

取焉胡可專也所怒甚多而不備大難以是教王王

能久乎又作桑柔之詩以刺王桓公三年芮伯萬

之母惡芮伯之多寵人也故逐之出居于魏四年

秋秦師侵芮敗焉小之也冬王師秦師圍魏執芮伯

以歸秦為芮所敗故伐魏執芮伯將納之九年秋虢仲芮伯梁伯荀

侯賈伯伐曲沃十年秋秦人納芮伯萬于芮

申

申姜姓侯爵其先神農之後為唐虞四岳受封于申

國在南陽宛縣今信陽軍宣王時入為王卿士出

為南方侯伯尹吉甫作崧高之詩以美其事幽王

娶申女為后生太子宜臼後寵褒姒廢申后及太子

諸侯怒與繒繒姒姓西夷犬戎攻殺幽王驪山下虜

褒姒盡取周賂以去諸侯乃即申侯共立故幽王太子宜臼為平王東遷洛邑平王遣兵戍申周人怨思作揚之水之詩以刺之魯莊公六年楚武王伐申過鄧十八年楚文王與巴人伐申而驚其師申後為楚所滅楚滅申春秋無明文然僖公二十五年楚以申息之師伐商密其時息已亡則所謂申息皆楚邑也申滅於楚可知二十八年楚師敗於城濮楚子使謂子玉曰大夫若入其若申息之老何亦一證

按申伯為蕃翰於宣王之時及幽王廢申后而申侯召犬戎伐周弑王然則以世考之召戎弑君之申侯即為蕃翰者之子也平王東

遷王室微弱而方且遣兵戍申以召譏刺蓋申侯忘父之忠而召犬戎以禍王室乎王復忘父之讐而勤兵師以戍母家皆非善繼志之孝子也

鄆

鄆姒姓子爵夏后氏之後地在琅邪鄆縣今襄邑縣東南幽王末申侯與鄆人召西夷犬戎攻王殺王驪山下僖公十四年鄆季姬來寧于魯季姬魯女鄆夫人公怒止之以鄆子之不朝也夏遇於防而使來朝十六年齊會諸侯于淮謀鄆且東略也鄆為淮東城鄆所病故

役人病有夜登丘而呼曰齊有亂不果城而還

九年宋襄公使邾文公用鄆子于次睢之社欲以屬

東夷睢水受汴東經陳留梁譙沛彭城縣入泗此水次有妖神東夷皆社祠之用人以祭宣

公十八年邾人戕鄆子于鄆自虐其君曰試自外曰戕襄公四

年公如晉聽政晉侯享公公請屬鄆鄆小國欲得使屬魯如須句顯

更之比使助魯出貢賦也晉侯不許孟獻子曰以寡君之密邇於

仇讐而願固事君無失官命晉官徵發之命也鄆無賦於司

馬晉司馬掌諸侯賦為執事朝夕之命救邑救邑褊小闕而

為罪寡君是以願借助焉晉侯許之冬十月邾人

莒人伐鄆魯滅紇救鄆侵邾敗于狐駘五年魯穆

叔覲太子于晉以成屬鄆書曰叔孫豹鄆太子巫如

晉言比諸魯大夫也九月穆叔以屬鄆為不利使

鄆大夫聽命于會鄆近魯境故欲以為屬國既而與莒有怨魯不能救恐致譴責故復乞還

六年莒人滅鄆鄆恃賂也晉人以鄆故討魯

日何故亡鄆季武子如晉見且聽命八年莒人伐

魯東鄆以疆鄆田莒既滅鄆魯侵其西界故伐魯東鄆以正其封也昭公

四年九月取鄆言易也莒亂著丘公立而不撫鄆鄆

叛而來故曰取凡克邑不用師徒曰取

右以上言鄆亡事本左氏傳如公羊穀梁二

家於襄公四年所書莒人滅鄆則以為莒女

家於襄公四年所書莒人滅鄆則以為莒女

家於襄公四年所書莒人滅鄆則以為莒女

為鄆夫人而無子。有女還嫁之於莒。有外孫遂取以為鄆太子而立之。蓋莒未嘗取鄆之地。鄆未嘗滅。特以外姓主國祀。故以滅書。而鄆之亡。在昭公四年。蓋魯滅之。非莒也。上距春秋所書。莒人滅鄆。凡二十九年。

邾

邾。姬姓。伯爵。地在東平剛父縣西南。有邾鄉。隱公五年。衛之亂也。邾人侵衛。故衛師入邾。十年。齊人鄭人入邾。討違王命也。莊公八年。魯師齊師圍邾。邾降于齊師。仲慶父請伐齊師。公曰。不可。我實不德。

齊師向罪。罪我之由。夏書曰。臯陶邁種德。德乃降。姑務修德。以待時乎。秋師還。文公十二年。邾太子朱儒自安於夫鍾。邾邑國人弗狗。弗順也十二年。邾伯卒。邾人立君太子。以夫鍾與邾邾邾來奔。公以諸侯逆之。非禮也。故書曰邾伯來奔。

巴

巴。姬姓。子爵。地在巴郡江州縣。今渝州江津。桓公九年。巴子使韓服告于楚。請與鄧為好。楚子使道朔。楚大夫將巴客以聘于鄧。鄧南鄙。鄧人攻而奪之幣。殺道朔及巴行人。楚子使遠章讓於鄧。鄧人弗受。言非鄧人

所夏楚使闞蕪及巴師圍鄆。鄆養甥帥師救鄆。三逐
巴師不克。闞蕪衡陳其師於巴師之中。以戰而北。偽北
走鄆人逐之。背巴師而夾攻之。鄆師大敗。鄆人宵潰。
也。十八年。楚文王卽位。與巴人伐申而驚其師。巴人
畔楚而伐那處。取之。遂門于楚。闞敖楚大游滔而逸
楚子殺之。其族爲亂。巴人囚之以伐楚。楚子禦之。大
敗于津。文公十六年。楚大饑。戎伐之。庸人帥群蠻
叛楚。楚子伐庸。秦人巴人從楚師。遂滅庸。哀公十
八年。巴人伐楚。圍鄆。楚邑初。右司馬子國之卜也。觀瞻
曰。如志。子國未爲令尹時卜爲右司馬得吉兆故命
如其志觀瞻楚開卜大夫觀從之後也

之。命以爲右司馬及巴師至。將卜師。王曰。寧如志。何卜焉。子寧
也。使帥師而行。請承。承王曰。寢尹。王尹。勤先君者也。
也。柏舉之役。寢尹。吳由于以背受戈。王尹固執。遂象奔吳師。三月。楚公孫寧。吳田于
遠固。敗巴師于鄆。故封子國於析。君子曰。惠王知志

江

江。姓爵未詳。國在汝南安陽縣。今信陽縣之東南。新
息縣之西。僖公二年。齊侯宋公。江人黃人。盟于貫
服。江黃也。江黃楚與國始來。服齊不召而至。三年。及齊宋會于陽
穀。四年。及齊侯及諸侯之師。侵蔡。蔡潰。遂伐楚。盟
于昭陵。文公三年。楚師圍江。晉先僕伐楚。以救江

文獻通考 卷一百六十三 王叔桓公晉陽

冬晉以江故告于周欲假天子之威以伐楚

處父伐楚以救江門于方城遇息公子朱而還子朱楚大

夫伐江之帥也聞晉師起而江兵解故晉亦還四年楚人滅江秦伯為之

降服出次不舉過數降服素服也出次辟正寢不舉去盛饌鄰國之禮有數今秦伯

過大夫諫公曰同盟滅雖不能救敢不矜乎吾自懼

也秦江同盟不見於春秋不告故不書

黃 黃 嬴姓爵未詳國在光州定城有黃故城又云登州

黃縣 桓公八年楚子合諸侯于沈鹿楚地黃隨不會

使遠章讓黃 莊公十九年楚子禦巴師大敗于津

還鬻拳弗納遂伐黃敗黃師于踏陵黃地 僖公二年

齊宋江黃盟于貫始服齊也 三年及齊宋會于陽

穀 四年齊會諸侯及江黃伐陳 十一年黃人不

歸楚貢楚人伐黃黃恃齊故 十二年黃人恃諸侯之睦

于齊也不共楚職曰自郢及我九百里焉能害我夏

楚滅黃

息 息 姬姓侯爵國在汝南今蔡州新息縣 隱公十一

年鄭息有違言以言語相違恨 息侯伐鄭鄭伯與戰于竟息

師大敗而還君子是以知息之將亡也不度德不量

力不親親，不徵辭，不察有罪。言語相恨，當明徵其辭，以審曲直，不宜轉鬪。

犯五不韙，而以伐人，其喪師也，不亦宜乎？十年，蔡

哀侯娶于陳，息侯亦娶焉。息媯將歸過蔡，蔡侯曰：吾

媯也，止而見之，弗賓。不禮也。息侯聞之，怒，使謂楚文王

曰：伐我，吾求救於蔡而伐之。楚子從之。九月，楚敗蔡

師于莘，以蔡侯獻舞歸。十四年，蔡哀侯為莘故，繩

息媯以語楚子。繩，譽也。楚子如息，以食入享，遂滅息，以

息媯歸。

鄧

鄧，曼姓，侯爵。國在河南新野，今潁川陵縣。桓公七

年，鄧侯吾離朝于魯。九年，巴子使韓服告于楚，請

與鄭為好。楚子使道朔將巴客聘于鄧，鄧南鄙，鄧人

攻而奪之幣，殺道朔及巴行人。楚子使遺章讓鄧，鄧

人弗受。夏，楚及巴師圍鄧，鄧師大敗。莊公六年，楚

文王伐申，過鄧，鄧祁侯曰：吾甥也，止而享之。騅甥，聃

甥，養甥。皆鄧甥，仕於舅氏者。請殺楚子，鄧侯弗許。三甥曰：亡鄧

國者必此人也。若不早圖，後君噬臍，其及圖之乎？圖

之，此為時矣。鄧侯曰：人將不食吾餘，對曰：若不從三

臣之言，抑社稷實不血食，而君焉取餘？弗從。還年，楚

子伐鄧，十六年，楚復伐鄧，滅之。


梁

梁嬴姓伯爵國在馮翊夏陽縣今同州桓公九年
虢仲芮伯梁伯荀侯賈伯伐曲沃僖公六年晉侯
使賈率伐屈夷吾不能守盟而行將奔狄卻芮曰後
出同走罪也不如之梁梁近秦而幸焉乃之梁以梁為秦
所親幸秦既大國且穆姬在焉欲因以求入十八年梁伯益其國而不
能實也多築城邑而無民以實之命曰新里秦取之十九年遂
城而居之冬梁亡不書其主自取之也初梁伯好
土功亟城而不處民罷而弗堪則曰某寇將至乃溝
公官曰秦將襲我民懼而潰秦遂取梁

滑

滑姬姓伯爵國在河南緱氏縣僖公二十年滑人
叛鄭而服於衛鄭公子士洩堵寇帥師入滑二十
四年鄭之入滑也滑人聽命師還又即衛鄭公子士
洩堵俞彌帥師伐滑王使伯服游孫伯如鄭請滑鄭
伯怨王之與衛滑乃不聽王命而執二子二十二
年秦師襲鄭及滑鄭商人弦高以乘韋先牛十二犒
師孟明曰鄭有備矣不可冀也攻之不克圍之不繼
吾其還也滅滑而還

郟



都无姓爵未詳國本在商密秦楚界上小國其後遷於南郡郡縣 僖公二十五年秦晉伐都楚闞克屈禦寇以申息之師戍商密別都秦人過析隈入而係與人與以圍商密昏而傳焉與析隈隱蔽之處係紂者昏而傳城不欲令宵坎血加書偽與子儀子邊盟者商密人懼曰秦取析矣戍人反矣乃降秦師秦師囚申公子儀息公子邊以歸即闞克文公五年初都叛楚即秦又貳於楚夏秦人入都

頓

頓姬姓子爵國在汝陰今陳州南頓縣 僖公二十

五年秦晉伐都楚令尹子玉追秦師弗及遂圍陳納頓子于頓頓迫於陳而出奔楚襄公四年楚人使頓間陳而侵伐之故陳人圍頓 定公十四年頓子牂欲事晉背楚而絕陳好楚公子結陳公孫佗帥師滅頓

胡 沈

胡姬姓子爵國在汝陰縣西北胡城今潁川西沈姒姓子爵國在汝南平輿縣今蔡州汝陽縣東 文公三年晉帥諸侯之師伐沈以其服於楚也沈潰 成公八年晉欒書侵蔡遂侵楚楚師之還也謂六年與晉遇繞角

時晉侵沈獲沈子嘉襄公二十八年胡子沈子朝
于晉宋之盟故也胡沈楚屬宋之盟曰晉昭公三
十三年吳伐州來楚以諸侯之師救州來吳公子光
曰諸侯之從於楚者衆而皆小國胡沈之君幼而狂
陳大夫蓄壯而頑頓與許蔡疾楚政七國同役而不
同心乃分師以先犯胡沈及陳三國敗獲胡子髡沈
子逞及陳夏馮舍胡沈之囚使奔許與蔡頓曰吾君
死矣師譟而從之三國奔楚師大奔定公四年晉
會諸侯于召陵沈子不齊晉人使蔡伐之蔡公孫姓
帥師滅沈以沈子嘉歸殺之

麋

麋姓羸子爵國近楚在今均州鄖鄉文公十年楚
子陳侯鄭伯蔡侯次于厥貉將伐宋麋子逃歸十
一年楚子伐麋成大心敗麋師于防渚濟崇復伐麋
至于錫穴皆麋地十六年楚大饑麋人率百濮於選
將伐楚選楚地百濮夷也薦賈曰麋與百濮謂我饑不能師
故伐我也若我出師必懼而歸百濮離居將各走其
邑誰暇謀人乃出師旬有五日百濮乃罷濮夷無屯聚見難則
散歸

萊

萊姓未詳。子爵國在東萊黃縣。宣公七年魯公會

齊侯伐萊。九年齊侯伐萊。襄公二年齊侯伐萊。

萊人使正與子賂風沙衛以索馬牛皆百匹。風沙衛齊寺人

索棟好者齊師乃還。齊侯使諸姜宗婦來魯送齊姜

莖召萊子。萊子不會。故晏弱城東陽以備之。東陽齊境上

六年齊侯滅萊。萊恃謀也。特略風沙衛

唐。唐姬姓侯爵屬楚之小國。地在義陽安昌縣東南。今

隨州唐城縣。宣公十二年楚子圍鄭。晉師救鄭。楚

子使唐狡與蔡鳩居告唐惠侯曰。不穀不德而貪以

遇大敵。不穀之罪也。然楚不克。君之羞也。敢藉君靈

以齊楚師。使潘黨率游闕四十乘。從唐侯以為左拒

以從上軍。乃敗晉師于邲。定公三年唐成公如

楚。有肅爽馬。楚令尹子常欲之。弗與。亦三年止之。肅爽

駿馬唐人或相與謀請代先從者。許之。飲先從者酒。

醉之。竊馬而獻之。子常歸唐侯自拘於司敗。竊馬

者自曰。君以弄馬之故隱君身也。隱憂棄國家群臣請

相夫人以償馬必如之。相助也夫人唐侯曰。寡人之

過也。二三子毋辱。皆賞之。四年冬蔡侯吾子唐侯

伐楚。五戰入郢。楚子奔隨。申包胥如秦乞師。五年

秦子蒲子虎帥師救楚大敗吳師遂滅唐

舒群舒巢

舒偃姓子爵國在廬江舒縣舒鳩偃姓子爵舒之

別封廬江南有舒城東夷也舒庸姓爵俱失其國

亦在廬江巢姓爵俱失國在廬江六縣東舒巢

皆楚屬國文公十二年楚成嘉為令尹群舒叛楚

夏子孔執舒子平及宗子遂圍巢子孔即成嘉平舒君各宗巢二國群

舒之屬十四年楚莊王立子孔潘崇將襲群舒使公

子燮與子儀守而伐舒蓼即群舒二子作亂城郢而使

我殺子孔不克而還八月二子以楚子出將如商密

廬戰黎及叔麋誘之遂殺闞克及公子燮廬楚地戰黎廬大夫

闞克即子儀也軍公八年楚為眾舒叛故伐舒蓼滅之二國

名楚子疆之正其界也及滑芮盟吳越而還成公七年

楚申公巫臣奔晉使於吳教之叛楚侯始伐楚伐巢

伐徐成公十八年舒庸人以楚師之敗也敗于道

吳人圖巢伐駕圍釐虺巢駕釐虺楚四邑遂恃吳而不設備

楚公子橐師襲舒庸滅之襄公二十四年吳人為

楚舟師之役故此年夏楚為舟師以伐吳召舒鳩人舒鳩人叛楚

楚子師于荒浦舒鳩地使沈尹壽與祁犁讓之二人楚大夫

舒鳩人敬逆二子而告無之且請受盟二子復命王

欲伐之。遠子曰：不可。彼告不叛，且請受盟。而又伐之。伐無罪也。姑歸息民，以待其卒。卒而不貳，吾又何求。若猶叛我，無辭有庸乃還。二十五年，舒鳩人卒叛。楚令尹子木伐之，及離城。舒鳩城吳人救之。子木遽以右師先。先至舒鳩子強、息桓、子捷、子駢、子孟帥左師以退。五人不及子木吳人居其間，七日子強曰：之將墜隘，慮水隘乃禽也。不如速戰，請以私卒誘之。簡師陳以待我。簡闕精兵我克則進，奔則亦視之。視其形勢而救助之乃可以免。不然必禽。從之。大敗吳師，遂圍舒鳩。舒鳩潰。八月，楚滅舒鳩。

戴

戴姓爵俱未詳。國在陳留外黃縣。今開封封丘縣。隱公十年，宋人衛人入鄭。蔡人從之伐戴。八月，鄭伯圍戴，克之。取三師焉。二國之軍在戴故鄭合圍之宋衛既入鄭，而以伐戴。召蔡人，蔡人怒，故不和而敗。

南燕

南燕，姑姓伯爵。國在東郡燕縣。今滑州胙城。隱公五年，鄭人侵衛牧。牧衛地以報東門之役。衛人以燕師伐鄭。鄭祭足、原繁、洩駕以三軍軍其前，使曼伯與子先潛軍軍其後。燕人畏鄭三軍，而不虞制人。北制六鄭邑

月。鄭二公子以制人敗燕師于北制。莊公二十年。

衛師燕師伐周。納王子頹。

宿

宿。風姓。男爵。國在東平無鹽縣。今鄆州須城東。隱

公八年。宿男卒。莊公七年。宋人遷宿。宋強遷之。而取其地。文異

於刑

州

州。姜姓。公爵。國在濟陰定陶縣。今京南府。桓公五

年。州公如曹。度其國危。遂不復。六年。自曹來朝。書

曰。寔來。不復其國也。

穀

穀。羸姓。伯爵。國在南陽筑鄉縣。今襄陽穀城。桓公

八年。穀伯綏來朝于魯。

荀 賈

荀。姬姓。侯爵。國在絳州荀城。又云漢桐邑。賈。姬姓

伯爵。國在同州蒲城縣。桓公九年。魏仲芮伯梁伯

荀侯賈伯伐曲沃。

遂

遂。姓。爵。俱未詳。國在濟北蛇丘縣。今濟州鉅野。莊

公十三年。齊侯會諸侯于北杏。以平宋亂。宋厲殺閔公遂

人不至夏齊侯滅遂而戍之十七年遂因氏領氏
上婁氏須遂氏四族遂之強宗也饗齊戍醉而殺之齊人殲
焉


貳軫鄖絞州蓼

貳軫鄖絞州爵姓俱未詳蓼姬姓皐陶之後爵未詳
貳軫絞地缺鄖國在江夏鄖杜縣東南今秦州州在
南郡華容縣東南蓼在義陽棘縣東南湖陽城今壽
州霍丘縣桓公十一年楚屈瑕將盟貳軫鄖人軍
於蒲騷鄖邑將與隨絞州蓼伐楚師莫敖患之闔庶曰
鄖人軍其郊必不誠且日虞四邑之至也四邑隨絞州蓼君

次于郊鄖以禦四邑楚郊鄖地我以銳師宵加於鄖鄖有
虞心而恃其城莫有闔心若敗鄖師四邑必離從之
遂敗鄖師於蒲騷卒盟而還十二年楚伐絞軍其
南門莫敖屈瑕曰絞小而輕輕則寡謀請無扞采樵
者以誘之扞衛也從之絞人獲三十人明日絞人爭出
驅楚役徒于山中楚人坐其北門而覆諸山下大敗
之為城下之盟而還

羅

羅熊姓爵未詳國在南郡枝江縣今襄陽宜城桓
公十二年楚伐絞師分涉於彭彭水在新羅人欲伐



之使伯嘉謀之三巡數之伯嘉羅大夫謀十三年

楚屈瑕伐羅闞伯比送之還謂其禦曰莫敖必敗舉

趾高心不固矣遂見楚子曰必濟師難言將敗故是楚

子辭焉不解其旨入告夫人鄧曼只請益師曰大夫其非

衆之謂其謂君撫小民以信訓諸司以德而威莫敖

以刑也莫敖徂於蒲騷之役將自用也必小羅君若

不鎮撫其不設備乎夫故謂君訓衆而好鎮撫之召

諸司而勸之以令德見莫敖而告諸天之不假易也

不然夫豈不知楚師之盡行也楚子使賴人追之不

及莫敖使徇於師曰諫者有刑及鄢辭次以濟遂無

且設備及羅羅與盧戎兩軍之盧戎南蠻大敗之

譚譚姓未詳子爵國在濟南平陵縣今齊州歷城莊

公十年齊侯之出也過譚譚不禮焉及其入也諸侯

皆賀譚又不至冬齊師滅譚譚子奔莒

弦弦道栢

弦子爵姓未詳道栢姓爵俱未詳弦國在弋陽軹縣

今光州仙居北道國在汝南陽皮縣南道毫今蔡州

確山有故道城栢國在汝陽西平縣栢亭今蔡州西

平縣僖公五年楚闞穀於菟滅弦弦子奔黃於是

江黃道栢方睦於齊皆弦姻也。弦子恃之而不事楚。又不設備。故亡。

權

權姓爵俱未詳。國在南郡當陽縣。今荆門軍。莊公

十八年。楚武王克權。使闞敖尹之。以叛。圍而殺之。遷

權於那處。楚地使闞敖尹之。及文王即位。與巴人伐申

而驚其師。巴人叛楚而伐那處。取之。遂門于楚。攻楚城門

闞敖游涌而逸。涌水在南楚子殺之。其族為亂。冬。巴

人因之以伐楚。十九年。楚子禦之。大敗于津。

須句

須句。風姓。子爵。國在東平昌縣東北。今鄆州舒城。

僖公二十一年。任宿。須句。顓臾。風姓也。實司大皞。與

有濟之祀。太皞伏羲四國伏羲之後故主其祀任今任城縣顓臾在太山南武陽縣東北四國

封近於濟故世祀之以服事諸夏。與諸夏同邾人滅須句。須句

子奔魯。因成風也。成風為之言於公曰。崇明祀。保小

寡。周禮也。蠻夷滑夏。周禍也。邾迫近諸戎雜用夷禮若封須句。

是崇皞濟而修祀。紆禍也。二十二年。伐邾。取須句。

反其君焉。禮也。文公七年。魯伐邾。取須句。寘文公

子焉。非禮也。須句為邾所滅僖公取其地再封之復為邾所取今魯再取之邾文公之子叛

在魯故使為須句大夫

文獻通考

卷一百六十三

三

夔

夔，芊姓。子爵。國在建平秭歸縣。今歸州。僖公二十

六年，夔子不祀。祝融與鬻熊祝融高辛之火正楚之遠祖鬻熊祝融之十二

世孫也夔乃為楚之別封故亦世紹其祀也楚人讓之。對曰：我先王熊摯

有疾，鬼弗赦而自竄于夔。熊摯楚嫡子有疾不吾是

以失楚，又何祀焉。廢其常祀而飭詞女過秋，楚成得臣鬬宜申

帥師滅夔，以夔子歸。

庸

庸，姓。爵俱未詳。國在上庸縣。今房州庸縣。文公十

六年，楚大饑，庸人率群蠻以叛楚。楚人謀徙於阪高。

為賈曰：不可。我能往，寇亦能往，不如伐庸。乃出師，使

廬戢黎侵庸。戢黎廬大夫及庸方城。方城庸地庸人逐之，囚子

揚窻。黎官屬三宿而逸。曰：庸師衆，群蠻聚焉，不如復大

師。還復句起王卒，合而後進。師叔曰：不可。楚大夫姑又

與之遇，以驕之。彼驕我怒而可克。先君蚡冒，所以服

涇隰也。又與之遇，七遇皆北。唯裨僚、魚人實逐之。僚裨

魚庸三邑庸人曰：楚不足與戰矣。遂不設備。楚子乘驛會

師于臨品。驛傳車也分為二隊。子越自石溪，子員自仞。以

伐庸。秦人、巴人從楚師。群蠻從楚。子盟，遂滅庸。

崇

文獻通考

卷一百六十三

三十一

宗姓爵俱未詳國在今雍州鄠縣東 宣公元年。晉欲求成於秦趙穿曰我侵崇秦急崇必救之吾以求成焉冬趙穿侵崇秦弗與成

蕭

蕭姓爵俱未詳宋附庸國地今徐州蕭縣 宣公十二年楚子伐蕭宋華椒以蔡人救蕭蕭人囚熊相宜僚及公子丙王曰勿殺吾退蕭人殺之王怒遂圍蕭蕭潰申公巫臣曰師人多寒王巡三軍拊而勉之三軍之士皆如挾纊遂傳於蕭還無社與司馬卯言號申叔展還無社蕭大夫司馬卯申叔展皆楚大夫無社素識叔展故因卯呼之叔展曰

有麥麩乎曰無有山鞠窮乎曰無麥麩鞠窮所以禦水中無社不解故曰無河魚腹疾奈何叔展言無社以禦濕將病

曰目於背井而拯之無社意解欲入井故使叔展視廢虛井而求拯也若為茅經哭井則已叔展又教結茅以表井須哭乃應以為信明日蕭潰申叔

視其井則茅經存焉號而出之傳言蕭人無守心

偏陽

偏陽姁姓子爵國在彭城偏陽縣今沂州承縣 襄公十年晉會諸侯于粗荀偃士句請伐偏陽而封宋向戌焉以宋常事晉而向戌有賢行故欲封之荀營曰城小而固勝之不武弗勝為笑固請丙寅圍之弗克孟氏之臣秦董

父輦重如役步挽重車如師偃陽人啓門諸侯之士門焉見門者諸侯之士

門故縣門發聊人紇抉之以出門者在門者者紇聊

邑大夫仲尼父紇多力狄虎彌建大車之輪而蒙之扶舉縣門出在內者

以甲以為櫓彌魯人也蒙覆也櫓大盾左執之右拔戟以成一隊

百人孟獻子曰詩所謂有力如虎者也主人縣布董

父登之及堞而絕之偃陽人縣以試外勇者隊則又縣之蘇而

復上者三主人辭焉乃退嘉其勇故辭謝不復縣帶其斷以徇

於軍三日帶其斷布以示勇諸侯之師久於偃陽荀偃士句

請於荀營曰水潦將降懼不能歸請班師知伯怒投

之以機出於其間出偃旬曰汝成二事而後告余二事

伐偃陽余恐亂命以不女違汝既勤君而興諸侯牽

帥老夫以至于此既無武守而又欲易余罪日是實

班師不然克矣余羸老也可重任乎不任受如此責七日不

克必爾乎取之五月庚寅荀偃士句帥卒攻偃陽親

犯矢石甲午滅之以與向戌向戌辭曰君若辱鎮撫

宋國而以偃陽光啓寡君群臣安矣其何貺如之若

專賜臣是臣與諸侯以自封也其何罪大焉敢以死

請乃予宋公以偃陽子歸獻于武宮謂之夷俘諱俘中國

故謂偃陽妘姓也使周内史選其族納諸霍人禮也

霍晉邑內史掌爵祿廢置者使選偃陽宗族賢者令居霍奉妘姓之嗣善不滅姓周史示有王命

賴

賴姓未詳。子爵。國在義陽隨縣。今蔡州褒信縣。昭
公四年。楚子會諸侯伐吳。執齊慶封殺之。遂以諸侯
滅賴。賴子百縛銜璧。士袒與觀從之。造於中軍。王問
諸椒舉對曰。成王克許。許僖公如是。王親釋其縛。受
其璧。焚其襯。王從之。遷賴於鄆。鄆楚邑。楚子欲遷許于
賴。使聞韋龜與公子棄疾城之而還。為許城也

鄆

鄆。邲姓。子爵。國在琅邪開陽縣。今臨沂縣。昭公十
八年。邲人藉稻。其君出自藉稻。蓋獲行之邲人襲鄆。邲人將閉門。

邲人羊羅攝其首焉。

斬得閉門者頭

遂入之。盡郭以歸。邲子

曰。余無歸矣。從帑於邲。邲莊公反。邲夫人而舍其女。

十九年。邲夫人。宋向戌之女也。故向寧請師。二月。

宋公伐邲圍蟲。

邲邑

三月。取之。乃盡歸邲俘。

耿 霍 魏 焦 滑 揚

耿。姬姓。爵未詳。國在平陽皮氏縣。今河中府龍門縣。

霍。姬姓。爵未詳。國在平陽永安縣。今晉州霍邑。

魏。姬姓。爵未詳。國在河東北縣。今陝州平陸有魏城。

焦。姬姓。爵未詳。國在弘農陝縣。今陝州有焦城。

滑。姬姓。伯爵。國在河南緱氏縣。今拱州。揚。姬姓。爵

文獻通考

卷一百六十三

三

未具。國在河東。今晉州洪洞縣。閔公元年。晉侯作
二軍。晉本一軍公將上軍。太子申生將下軍。趙夙御戎。畢
萬爲右。以滅耿。滅霍。滅魏。還爲太子城。曲沃。賜趙夙
耿。賜畢萬。魏以爲大夫。襄公二十九年。晉司馬女
叔侯曰。虞。虢。焦。滑。霍。揚。韓。魏。皆姬姓也。晉是以大。若
非侵小。將何所取。

按如司馬女叔侯之說。則滑爲晉所滅。然僖
公三十二年。秦穆公襲鄭。以鄭有備。滅滑而
還。則滅滑者秦。非晉也。呂相絕秦書。有殄滅
我費滑。散離我兄弟之語。則方是以聲秦滅

姬姓諸侯之罪。豈晉所滅者。又別一滑耶。當
考

春秋列國傳授本末事跡

通考卷之二百六十四

封建考

春秋列國傳授本末事跡

周

周姬姓公爵國在王畿內扶風雍縣唐改為天興成
王封周公於魯周公元子伯禽就封於魯次子留相
王室代為周公 桓公五年鄭伯不朝王以諸侯伐
鄭鄭禦之王為中軍號公林父將右軍秦衛屬焉周
公黑肩將左軍陳人屬焉 黑肩周 王卒大敗 十八
年周公欲弒莊王而立王子克 莊王弟 辛伯告王遂



與王殺周公黑肩王子克奔燕初子儀有寵於桓王

子儀即桓王屬諸周公辛伯諫曰並后妾如匹嫡庶

嫡兩政臣擅耦國都如亂之本也周公弗從故及

僖公九年公會齊侯及諸侯盟于葵丘周公宰王

使宰孔賜齊侯胙二十四年頹叔桃子奉太叔以

狄師伐周大敗周師獲周公忌父原伯毛伯富辰

三十年王使周公閱來聘饗有昌歆白黑形鹽昌歆

菹白熬稻黑熬黍形鹽鹽形象虎辭曰國君文足昭也武可畏也則

有備物之饗以象其德薦五味羞嘉穀鹽虎形以獻

其功吾何以堪之文公十四年頃王崩周公閱與

王孫蘇爭政故不赴周公與王孫蘇訟于晉王叛王

孫蘇王匪而使尹氏與聃啓訟周公于晉趙宣子平

王室而復之成公十一年周公楚惡惠襄之偪也

惠襄之族且與伯與爭政伯與周不勝怒而出及陽穀

王使劉子復之盟于鄆而入三日復出奔晉王既復

出所以自召經於周

召

召姬姓伯爵國在王畿內雍縣東南今王屋縣召康

公奭受封於燕而食采於召其後世世輔王室厲王

行暴虐國人謗王召穆公虎諫曰民不堪命矣王怒

文獻通考 卷二百六十四

得衛巫使監謗者以告則殺之國人莫敢言道路以
日王告召公曰吾能弭謗矣召公曰是鄣之也防民
之口甚於防川川壅而潰傷人必多民亦如之王不
聽國人畔襲王王出奔燕太子靜匿召公之家國人
圍之召公曰昔吾驟諫王王不從以及此難也今殺
王太子王其以我爲讐而懟怒乎乃以其子代王大
子太子得脫周公召公二相行政號曰共和共和十
四年厲王死於彘太子靜長於召公家二相共立之
是爲宣王宣王卽位命穆公平淮夷告成于王王錫
以圭瓚秬鬯一卣錫之土田穆公作常武之詩以美

宣王 僖公十一年王使召武公賜晉惠公命 宣

公十五年王孫蘇與召氏毛氏爭政使王子捷殺召

戴公及毛伯衛卒立召襄襄召戴公之子 成公八年王使

召桓公來賜魯公命 昭公二十二年景王崩既葬

王子朝因舊官百工之喪職秩者與靈景之族以作

亂逐劉子單子王子還與召莊公謀殺單子還及召莊公與

皆子朝黨 二十六年召伯盈逐王子朝伯盈本王子朝黨

朝不成更逐 王子朝及召氏之族毛伯得尹氏固南

宮囂奉周之典籍以奔楚召伯逆王子尸及劉子單

子盟召伯新還故盟 二十九年三月京師人殺召伯盈尹

王

文獻通考

文獻通考 卷二百六十四
氏固及原伯魯之子 皆子朝黨也

劉

劉姬姓子爵國在畿內河南緱氏縣西北今緱氏西
城舊有劉亭劉子世為王卿士 宣公十年劉康公
報聘于魯 去年于來徵聘 益獻子聘于周 成公元年晉侯使瑕嘉
平戎于王劉康公微戎將逐伐之叔服曰背盟而欺
大國必敗不聽遂伐茅戎敗績于徐吾氏 十一年
晉郤至與周爭鄆田王命劉康公單襄公訟諸晉却
至曰溫吾故也故不敢失劉子單子曰昔周克商使
諸侯撫封蘇忿生以溫為司寇與檀伯達封于河蘇

氏即狄又不能於狄而奔衛襄王勞文公而賜之溫
狐氏陽氏先處之而後及子若治其故則王官之邑
也子安得之晉侯使郤至勿敢爭 十三年劉康公
會晉侯及諸侯伐秦成肅公受服于社不敬劉子曰
吾聞之民受天地之中以生所謂命也是以有動作
禮義威儀之則以定命也能者養之以福不能者敗
以取禍是故君子勤禮小人盡力勤禮莫如致敬盡
力莫如敦篤敬在養神篤在守業國之大事在祀與
戎祀有執燔戎有受服神之節也今成子惰棄其
命矣其不反乎 十四年王使劉定公賜齊侯命

昭公元年。晉趙武楚公子圍會諸侯于號。王使劉定公勞趙孟於潁。館於洛汭。劉子曰：美哉禹功，明德遠矣。微禹，吾其魚乎。吾與子弁冕端委以治民，臨諸侯，禹之力也。子盍亦績禹功而大庇民乎。對曰：老夫罪戾是懼，焉能恤遠。吾儕偷食，朝不謀夕，何其長也。劉子歸以語王曰：諺所謂老將至而耄及之者，其趙孟之謂乎。為晉正卿以主諸侯，而儕於隸人，朝不謀夕，棄神人矣。神怒民叛，何以能久。趙孟不復年矣。昭公二十二年，初，王子朝賔起，有寵於景王。子朝景王長庶子，賔走于齊，王與賔孟說之。孟即賔起欲立之。劉獻公之庶子伯

也。事單穆公。

獻公劉摯伯也。劉狄穆公單旗。

惡賔孟之為人，也。願殺

之。又惡王子朝之言，以為願去之。

子朝有欲位之言。

夏王

田北山，使公卿皆從，將殺劉子、單子。

王知劉單不欲立，子朝欲先朝

殺之。王有心疾，乙丑崩于榮錡氏。戊辰，劉子摯卒，無子。

單子立劉蚩。五月庚辰，見王。見王遂攻賔起，殺之。盟

群王子于單氏。丁巳，葬景王。王子朝因舊官百工

之喪職秩者，與靈景之族以作亂。

靈王景王之子。帥郊，要餞

之甲。三邑周地。以逐劉子。劉子奔揚。單子逆悼王子于莊宮，

以歸。王子還，夜取王以如莊宮。

王子還，子朝黨不欲使單子得王，猛故取

之。癸亥，單子出。

失王故出奔。

王子還與召莊公謀曰：不殺

單旗不捷。遂奉王以追單子及領大盟而復。欲重盟

令單子劉子復歸然後背盟殺之殺摯荒以說劉子如。劉單子亡奔

于平時。知還欲背盟故奔群王子追之。單子殺還姑發弱驪

延定稠。入子靈景之族因戰而殺之子朝奔京。其黨死故丙寅伐之。

代京人奔山。劉子入于王城。子朝奔京故得入辛未鞏簡公

敗績于京。乙亥，其平公亦敗焉。其鞏二公周卿士為子朝所敗子

欲告急于晉。以王如平時，遂如圃車次于皇。出次以示急

劉子如。劉單子使王子處守于王城。守王城距于朝盟百工

于平宮。鄆盼伐皇，大敗。子朝黨司徒醜以王師敗績于

前城。百工叛。司徒醜敗故伐單氏之宮，敗焉。百工伐單氏為單氏所敗

庚午，反伐之。單氏反伐百工辛未，伐東圍。百工所在冬，十月丁巳。

晉籍談荀躒帥九州之戎，及焦瑕溫原之帥，以納王

于王城。庚申，單子劉蚩以王師敗績于郊。為子朝之黨所敗

前城人敗陸渾于社。前城子朝衆十一月乙酉，王子猛卒。

不成喪也。未即位周人謚曰悼王所以不稱崩已丑，敬王即位。子猛館母弟

于子旅氏。周大夫二十三年四月，單子取訾。劉子取墻

人直人。二邑屬子朝六月，王子朝入于尹。自京入尹氏之邑癸未，

尹圉誘劉佗殺之。尹圉尹文公也劉佗劉蚩族敬王黨丙戌，單子從阪

道。劉子從尹道伐尹。單子先至而敗。劉子還。已丑，召

伯魚南宮極以成周人戍尹。二子周卿士子朝黨庚寅，單子劉

文獻通考 卷二百六十四

于樊齊以王如劉出劉子朝出甲午王子朝入于王城。

次于左巷。鄆羅納諸莊宮。周大尹辛敗劉師于唐丙

辰又敗諸鄆。甲子尹辛取西闈。西闈周地丙寅攻蒯。蒯潰。

二十六年單子如晉告急。劉人敗王城之師于尹

氏。劉人劉蚩之族戊辰王城人劉氏戰于施谷。劉氏

敗績。七月劉子以王出。師敗次于渠地。王城人焚劉

王宿于褚氏。晉知躒趙鞅帥師納王。召伯盈逐王子

朝。子朝奔楚。召伯逆王于尸。及劉子單子盟。癸酉王

入于成周。定公四年劉文公會晉及諸侯于召陵。

謀伐楚也。七年周儋翩入于儀栗以叛。儀栗周邑單武

伐儀栗。伐孟以定王室。尹氏復黨儋翩共為亂也八年劉子

范氏世為婚姻。萇弘事劉文公。故周與范氏趙鞅以

為討。六月周人殺萇弘及定王。時劉氏亡。國語

單

單姬姓。伯爵。國在畿內。單伯世為王卿士。莊公十

四年齊侯以諸侯伐宋。以其背北齊請師于周。欲崇

假王命以單子會之。取成于宋而還。文公十四年

魯襄仲使告于王。請以王寵求叔姬于齊。召姬魯女

人生子舍無寵為公曰殺其子。焉用其母。請受而罪

之冬。單子如齊。請子叔姬。齊人執之。恨魯特王。又執

子叔姬。十五年。齊人許單伯。請而赦之。使致命于

魯。成公元年。晉侯使瑕嘉平戎于王。單襄公如晉

拜成。十二年。郤至與周爭鄆田。王命劉康公。單襄

公。訟諸晉。語見劉子。十七年。單子會晉侯及諸侯

之師伐鄭。襄公三年。公會單頃公及諸侯。同盟于

雞澤。十年。王叔陳生與伯與爭政。二子王。晉侯使

士甸平王室。王使叔氏與伯與合要。要辭也。王叔氏不

能舉其契。王叔奔晉。單靖公為卿士。以相王室。代王

昭公十一年。單子會韓宣子于戚。視。下言徐叔向曰。

單子其將死乎。朝有著定。著定。朝內列位。常有表。野

言表以衣有禴。帶有結。禴。領會。會朝之言。必聞于表

著之位。所以昭事序也。視。不過結。視之中。所以道容

貌也。言以命之。容貌以明之。失則有關。今單子為王

官伯。而命事於會。視不登帶。言不過步。貌不道容。而

言不昭矣。不道不共。不昭不從。無守氣矣。冬。單成公

卒。景王鑄大錢。及無射。單穆公諫不敢。二十二年。

景王崩。劉子單子立王子祭。王子朝作亂。語見劉子。

八年。單子伐穀。城簡城。以定王室。討詹翩之亂。

祭

文獻通考 卷二百六十四

祭姬姓伯爵周公之後國在畿內在陳留長垣縣鄭

州管城有祭城世為王御士穆王將征犬戎祭公

謀父諫曰不可先王耀德不觀兵夫兵戢而時動動

則威觀則玩玩則無震常昭曰震思也是故周文公之頌常昭

曰文公周曰載戢干戈載櫜弓矢唐固曰櫜秦韜也我求懿德

肆于時夏允王保之常昭曰言武王常求美德故陳其功於是夏而歌之信哉武王

能保此時夏之美樂章大者曰夏先王之於民也茂正其德而厚其

性阜其財求而利其器用明利害之鄉常昭曰鄉方也以文

修之使之務利而辟害懷德而畏威故能保世以滋

大昔我先王世后稷韋昭曰謂棄與不窋也唐固曰父子相繼曰世以服事

虞夏及夏之衰也正義曰謂太康也棄稷不務正義曰言太康棄廢稷官

我先王不窋用失其官而自窋於戎狄之間不敢怠

業時序其德遵修其緒一作廣曰遵一作纂修其訓典朝夕恪

勤守以敦篤奉以忠信奕世載德不忝前人正義曰前人謂

后稷也言不窋亦世載德不忝至于文王武王昭前

之光明而加之以慈和事神保民無不欣喜商王帝

辛大惡于民庶民不忍訴戴武王以致戎于商牧正義

曰紂近郊地名牧野是故先王非務武也勤恤民隱而除其害

也夫先王之制邦內甸服邦外侯服侯衛賓服常昭曰此

總言之也侯侯所衛衛圻也夷蠻要服戎翟荒服甸服者祭常昭曰供

侯

祭日侯服者祀常昭曰賓服者享常昭曰要服者貢常昭曰

日供荒服者王常昭曰王事天子日祭月祀時享常昭曰

歲貢終王先王之順祀也徐廣曰外傳有不祭則修

意常昭曰先修志意以自責也畿內近知王意也有不祀則修言常昭曰言

有不享則修文常昭曰文有不貢則修名常昭曰名

不至則修刑常昭曰序成謂上五者次序於是有刑

不祭伐不祀征不享讓不貢告不王於是有刑罰之

辭有攻伐之兵有征討之備有威讓之命有文告之

辭布令陳辭而有不至則增修於德無勤民於遠是

以近無不聽遠無不服自今大畢伯士之終也徐廣曰

戎之犬戎氏以其職來王正義賈逵云大畢伯士犬

天子曰予必以不享征之且觀之兵無乃廢先王之訓

而王幾頓乎正義曰吾聞犬戎樹敦徐廣曰樹一作

王遂征之得四白狼四白鹿以歸自是荒服者不至

王欲肆其心周行天下必將有車轍馬跡焉祭公謀

父作祈招之詩以止王心祈父周司馬世掌甲兵之

官而言其詩曰祈招之悒悒式昭德音思我王度

故指司馬

其詩曰祈招之悒悒式昭德音思我王度

官而言

其詩曰祈招之悒悒式昭德音思我王度

官而言

其詩曰祈招之悒悒式昭德音思我王度

官而言

式如玉。式如金。形民之力而無醉飽之心。王是以獲沒于祗宮。獲沒不見。見纂註。隱公元年。祭伯來。非王命也。釋

以不稱使。桓公八年。祭公來。遂逆王后于紀。

凡

凡姬姓。伯爵。周公之後。國於畿內。在汲郡共縣。今衛州共城縣。世為王卿士。厲王幽王之時。凡伯作板。瞻卬召旻。諸詩以刺王。隱公七年。戎朝于周。發幣于公。卿凡伯弗賓。冬。王使凡伯來聘。還。戎伐之于楚丘。以歸。

蘇

蘇姓未詳。子爵。周武王時。蘇忿生為司寇。封於溫。為畿內之國。地在河內溫縣。幽王時。蘇成公與暴辛

公共為卿士。為暴公所譖。作何人斯。隱公十一年。

王取鄆。劉為邢之田。于鄭。而與鄭人蘇忿生之田。溫

原。締樊。隰郟。橫茅。向盟州。陘。隤。懷。時蘇氏叛。王十二年。邑王不能有故。以

上莊公十九年。為國邊。伯石。速。詹。父子。禽。祝。跪。作

亂。因蘇氏。桓王奪蘇。十三邑。以焉。鄭自此以來。遂不和。秋。五大夫。奉子

頹。以伐王。不克。出奔溫。蘇邑。蘇子。奉子頹。以奔衛。衛

燕。伐周。納子頹。僖公十年。狄滅溫。蘇子無信也。蘇

子叛。王即狄。不能於狄。狄人伐之。王不救。故滅蘇子。

奔衛 文公十年及蘇子盟于女栗。頃王立故也。僖

年狄滅溫今復見蓋王復之 成十一年晉郤至與周爭鄆田。王

命劉康公單襄公訟諸晉。郤至曰：溫吾故也，故不敢

失。言溫郤劉子單子曰：昔周克商，使諸侯撫封。各撫

封內蘇忿生以溫為司寇，與檀伯達封于河。謂俱封

蘇氏即狄，又不能於狄而奔衛。襄王勞文公而賜之

溫，狐氏陽氏先處之。狐溱陽處父而後及子若治其

故，則王官之邑也。子安得晉侯使郤至勿敢爭。

毛

毛姬姓，伯爵。文王之後，封於毛地，在畿內。成王時為

卿士，與召公、芮伯、彤伯、畢公、衛侯同受顧命。立康王

自此世為王卿士。文公元年，王使毛伯衛來賜公

命。九年，毛伯衛來求金。襄王崩求金以供葬事 宣公十五

年，王孫蘇與召氏、毛氏爭政，使王子捷殺召戴公及

毛伯衛。昭公十八年二月乙卯，周毛得殺毛伯過

得過之族而代之。萇弘曰：毛得必亡，是昆吾稔之日也。後

故之以。昆吾夏伯稔，熟後惡積而毛得以濟後於王

都不亡何待？二十六年，尹氏召伯毛伯以王子朝

奔楚，語見劉子。

右周召劉單祭凡蘇毛皆王畿內之國，世為

文獻通考 卷二百六十四
王卿士先王之時諸侯之有功德者則入輔
王室如成王時召大保芮伯彤伯畢公衛侯
毛公爲六卿召畢毛皆兼三公齊侯呂伋爲
妊虎賁氏後來如衛鄭二武公亦入爲王卿
士皆外諸侯也東遷而後王室微弱號令不
能行於畿外春秋之初鄭與虢尚迭爲卿士
然爭政怨怒至於交質交惡稱兵構逆王夷
師燔而名義蕩然矣其後虢爲晉所滅鄭亦
不復聽王室之令齊晉迭伯而列國之所爲
奔走後先者知有盟主而已王室之政付之
畿內食采邑之小國然溫已叛去其地入於
狄與晉凡祭僅再見於隱桓之間而以後不
復聞惟周召劉單世報王室之政柄云

徐

徐嬴姓子爵出自柏翳國始封於夏歷殷周國在下
邳僮縣今泗州臨淮有徐城武王崩成王幼周公攝
政三監及徐商奄叛周周公討之殺管蔡武庚踐奄
踐滅也寧東土及伯禽封於魯而徐戎淮夷復寇東郊
伯禽討之作費誓穆王西巡守樂而忘歸徐君誕
僭稱偃王行仁義除刑爭四方諸侯爭辯者無所質

正咸賓祭於徐。贊玉帛死生之物于徐庭者。三十六國得朱弓赤矢之瑞。穆王聞之。乃命造父御長驅而歸。與楚連謀伐徐。偃王失國。走死彭城武原山下。宣王時。徐方不庭。王命太師皇父。程伯休甫。總六師以討之。僖公三年。徐人取舒。舒國亦廬江舒縣勝國而大用大師亦曰取十五年春。楚人伐徐。徐即諸夏故也。三月。齊侯及諸侯盟於牡丘。尋葵丘之盟。且救徐也。孟穆伯帥師及諸侯之師救徐。諸侯次于匡以待之。冬。楚敗徐于婁林。徐恃救也。恃齊救十七年春。齊人爲徐伐英氏。以報婁林之役也。文公七年。徐伐莒。成公

七年。吳伐巢。伐徐。楚子重奔命救巢。徐昭公四年。

楚子會諸侯于申。徐子吳出也。以爲貳焉。故執諸申。

六年。徐儀楚聘于楚。儀楚徐大夫楚子執之。逃歸。懼其

叛也。使遽洩伐徐。吳救徐。敗楚師于房鍾。十二年。

楚子狩于州來。次于穎尾。使蕩侯潘子。司馬督躒。尹

牛陵。尹喜帥師圍徐。以懼吳。楚子次于乾溪。以爲之

援。十六年。齊侯伐徐。師至于蒲隧。徐地徐人行成。

徐子及邾人莒人會齊侯盟于蒲隧。賂以甲父之鼎。

叔孫昭子曰。諸侯之無伯害哉。爲小國害齊君之無道也。

興師而伐遠方。會之有成而還。莫之亢也。亢禦也無伯

也夫三十年吳子伐徐防山以水之防壅山水已

卯滅徐徐子章禹斷其髮自刑携其夫人以逆吳子

吳子唁而送之使其邇臣從之遂奔楚楚沈尹戌帥

師救徐弗及遂城夷使徐子處之東城也

先儒林少穎言周自文武興於西土而化行於

南故西夷最先服而東夷之服為最後是以武

主牧野之戰方與商師決勝負於行陣之間而

西南夷之邦所謂庸蜀羌髳微盧彭濮者已皆

作使而成王之即政天下已太平矣東夷之徐

奄猶與兵以叛也愚按徐雖柏翳之後有國已

久而俗流於夷周初一叛於三監流言之時再

叛於伯禽撫封之日周公魯公僅能定之至穆

主稍有荒縱遠狩之失而偃王者遽爾僭號倭

然有朝諸侯有天下之意洎厲王無道宣王撥

亂之始而繹騷於南國者又徐也然則徐於西

周之時蓋常常作亂於文武及東遷之後徐始

微弱而東南之鴟張僭竊北向以爭諸侯者荆

楚吳越相繼興矣其後徐益以弱服屬於吳楚

之間而卒不得免焉然吳楚偃強於東周衰微

之後而徐偃強於西周鼎盛之時則其初本非

弱國也

戎

僖公二年公會戎于潛修惠公之好也戎請盟公辭

陳留濟陽縣東南有戎城戎請盟秋盟于唐復修戎好也七年

初戎朝于周發幣于公卿凡伯弗賓冬王使凡伯聘

于魯還戎伐之于楚丘以歸九年北戎侵鄭鄭伯

禦之患戎師曰彼徒我車懼其侵軼我也公子突曰

使勇而無剛者嘗寇而速去之突鄭厲公嘗試也勇則能往無剛不恥退

君為三覆以待之覆伏兵戎輕而不整貪而無親勝不

相讓敗不相救先者見獲必務進進而遇覆必速奔

後者不救則無繼矣乃可以逞從之戎人之前遇覆

者奔祝聃逐之衷戎師戎前後及中遇三覆皆受敵故曰衷戎師前後擊

之盡殪戎師大奔十一月甲寅鄭人大敗戎師桓

公六年北戎伐齊齊侯使乞師于鄭鄭太子忽帥師

救齊六月大敗戎師獲其二帥大良少良甲首三百

以獻于齊於是諸侯之大夫戍齊莊公十八年公

追戎於濟西不言其來諱之也戎來侵魯魯不知去乃追之故諱不言其

來二十年齊人伐戎三十年魯公及齊侯遇于

魯濟謀山戎也以其病燕故也比燕幽薊齊人伐山戎山戎

北三十一年齊侯來獻戎捷穀梁傳曰桓內無因

國外無從諸侯而越千里之險北伐山戎危之也。內

因緣山戎左右之國為內間者外無諸侯者不煩役秦國則非之乎善之也何善

乎爾燕周之分子也。召康公之後周之別子孫貢職不至山戎為

之伐矣。閔公二年號公敗戎于渭汭。大戎西戎別在中國

者僖公二年號公敗戎于桑田。桑田號地在弘農陝縣十

年齊侯許男伐北戎。十一年揚拒泉臯伊維之戎

固伐京師入王城焚東門。揚拒泉臯皆戎邑及諸雜居伊洛水之間者今伊

闕北有泉亭王子帶召之也。王子帶召戎欲因以篡位秦晉伐戎以救

周秋晉侯平戎于王。十二年王以戎難故討王子帶王子帶奔齊。冬齊侯使管夷吾平戎于王使隰

朋平戎于晉。平和也前年晉救周伐戎故戎與周晉不和十三年為戎

難故諸侯戍周齊仲孫湫致之。十六年王以戎難

告于齊齊徵諸侯而戍周。二十二年初平王之東

遷也辛有適伊川見被髮而祭於野者曰不及百年

此其戎乎其禮先亡矣秋秦晉遷陸渾之戎于伊川

尤姓之戎居陸渾在秦晉西北二國誘而徙之遂去戎號至今為陸渾縣也三十三年

晉及姜戎敗秦師于殽。文公八年魯公子遂會伊

維之戎盟于暴。暴鄭地十六年楚大饑戎伐其西南

至于阜山師于大林。又伐其東南至于陽丘以侵訾

枚。戎山夷也大林陽丘訾枚皆楚邑也十七年周甘歆敗戎于郊

文獻通考 卷二百六十四 十七

乘其飲酒也

歆周大夫郊垂周地在河南新城縣北

宣公三年楚子

伐陸渾之戎遂至于雒觀兵于周疆定王使公孫滿

勞楚子

成公元年晉侯使瑕嘉平戎于王

平七年

垂之

役

單襄公如晉拜成劉康公徼戎將遂伐之

其欲惡無

備

叔服曰背盟而欺大國此必敗背盟不祥欺大國

不義將何以勝不聽遂伐茅戎三月癸未敗績于徐

吾氏

徐吾氏茅戎之別也

六年晉伯宗夏陽說衛孫良夫甯

相鄭人伊維之戎陸渾蠻氏侵宋

蠻氏戎別種也河南新城縣東南有

以其辭會也

前年宋辭蠻氏之盟

襄公四年無終子嘉父

使孟樂如晉

無終山戎國名孟樂其使臣

因魏莊子納虎豹之皮

以請和諸戎

莊子魏絳

晉侯曰戎狄無親而貪不如伐之

魏絳曰諸侯新服陳新來和將觀於我我德則睦否

則携貳勞師於戎而楚伐陳必不能救是棄陳也諸

華必叛戎禽獸也獲戎矢華無乃不可乎和戎有五

利焉戎狄荐居貴貨易土土可賈焉一也邊鄙不聳

民狎其野穡人成功二也戎狄事晉四鄰震動諸侯

威懷三也以德綏戎師徒不勤甲兵不頓

頓壞也

四也

鑒于居羿而用德度遠至邇安五也君其圖之公說

使魏絳盟諸戎修民事田以時五年王使王叔陳

生愬戎于晉

戎陵越周室故告愬于盟主

晉人執之士魴如京師

言王叔之貳於戎也。王叔反有貳心於戎失 十四

年。晉及諸侯會于向。將執戎子駒支。范宣子親數諸

朝。亦設朝位。曰。來姜戎氏。昔秦人迫逐。乃祖吾離。于

瓜州。四岳之後皆姓姜。又別為允姓。乃祖吾離。被苦

蓋蒙荆棘。以來歸我先君。蓋苦之別。我先君惠公有

不腆之田。腆厚也。與汝剖分而食之。中分今諸天之事

我寡君。不如昔者。蓋言語漏泄。則職女之田。職主也。詰

朝之事。爾無與焉。詰朝明旦不使復得與會事也。與將執女對曰。昔

秦人負恃其衆。貪于土地。逐我諸戎。惠公蠲其大德

蠲明也。謂我諸戎。是四岳之裔胄也。四岳堯時方伯姜姓也。裔遠也。胄後

也。母是翳棄。翳削也。賜我南鄙之田。狐狸所居。豺狼所

嗥。我諸戎除翳其荆棘。驅其狐狸豺狼。以為先君不

侵不叛之臣。至於今不貳。不外叛也。昔文公與秦伐

鄭。秦人竊與鄭盟。而舍戍焉。在僖三十年。於是乎有殺之

師。在僖三十三年。晉禦其上。戎亢其下。亢猶當也。秦師不捷。我諸

戎實然。譬如捕鹿。晉人角之。諸戎掎之。掎其足也。與

晉踣之。踣僵也。踣蒲北反。又敷豆反。戎何以不免。自是以來。晉之

百役。與我諸戎相繼于時。言給晉役不曠時。以從執政。猶殺

志也。意常如殺無中二也。豈敢離邊。今官之師旅。無乃實有所

闕。以攜諸侯。而罪我諸戎。我諸戎飲食衣服。不與率

同贊幣不通言語不達何惡之能為不與於會亦無

曹焉曹悶也賦青蠅而退青蠅詩小雅取其愷宣子辭

焉使即事於會成愷悌也成愷悌不信讒也不書者戎為晉屬不肯特達

昭公九年周邾人與晉闚嘉爭闚田邾人邾大夫襄也闚嘉晉闚縣

大晉梁丙張趯率陰戎伐潁陰戎陸渾之戎潁周邑王使詹桓

伯辭於晉辭責讓之桓伯周大夫曰我自夏以后稷魏駘芮岐

畢吾西土也在夏世以后稷功受此五國為西土之長駘在始平武功縣所治隋城岐在扶

風美陽及武王克商蒲姑商奄吾東土也樂安博昌縣北有蒲

巴濮楚鄧吾南土也肅慎燕亳吾北土也肅慎北夷在玄

十餘里北計三吾何邇封之有邇近也文武成康之建母弟

以蕃屏周亦其廢墜是為為後世廢墜兄弟之國當救濟之豈如弁

髦而因以獎之童子垂髦始冠必三加冠成禮而先樂其始冠故以弁髦因以獎之

王居櫛杙于四裔以禦魑魅言櫛杙略舉四凶之一下言四裔則三苗在其

中故允姓之姦居于瓜州允姓陰戎之祖與三苗俱放三危者瓜州今燉煌

伯父惠公歸自秦而誘以來僖十五年晉惠公自秦歸二十二年秦晉遷陸

渾之戎於伊川使偪我諸姬入我郊甸則戎焉取之邑外為郊郊外

為甸言戎取周郊甸之地戎有中國誰之咎也咎在后稷封殖天

下今戎制之不亦難乎后稷修封疆殖五穀伯父圖

之我在伯父猶衣服之有冠冕木水之有本源民人

之有謀主也民人謀主宗族之師長伯父若裂冠毀冕拔本塞

源專棄謀主。雖戎狄其何有餘一人。伯父猶然則雖戎狄無所可責

晉率陰戎伐叔向謂宣子曰：文之伯也，豈能改物？文

周邑故云然公雖霸未能改，翼戴天子而加以共。翼佐也自文以

來，世有衰德，而暴滅宗周。宗周天子以宣示其侈，諸侯之

貳，不亦宜乎？且王辭，有子其圖之。宣子說，王有姻喪

外親之喪使趙成如周弔，且致閻田與禭。禭送死衣反穎俘，王

亦使賓滑執甘大夫襄以說於晉。晉人禮而歸之。滑

周大夫十六年，楚子聞蠻氏之亂也，與蠻子之無質

也。質信也使然丹誘戎蠻子嘉殺之，遂取蠻氏。既而復

立其子禮也。河南新城縣東南有蠻城十七年，晉侯使屠蒯如

周，請有事於維及三塗。屠蒯晉之膳宰以忠諫見進維維水也三塗山各在陸渾

南萇弘謂劉子曰：客容猛非祭也，其伐戎乎？陸渾氏

甚睦於楚，必是故也。君其備之。乃警戎備。警戎以備戎欲因晉

合勢九月丁卯，晉荀吳帥師涉自棘津，使祭史先用牲

于維，陸渾人弗知。師從之。庚午，遂滅陸渾。數之，以其

貳於楚也。陸渾子奔楚，其衆奔甘鹿。甘鹿周地周大獲。先

戎備攻獲范宣子，夢文公攜荀吳而授之。陸渾故使穆子

帥師獻俘于文宮。哀公四年，夏，楚人既克夷虎。夷虎

蠻夷叛楚者乃謀北方。左司馬販申公壽餘，葉公諸梁致

蔡於負函。三子楚大夫也此蔡之故地人民致方城楚因以爲邑致之者會其衆也

之外於繒關皆楚地曰吳將沂江入郢逆流將奔

命焉為一昔之期襲梁及霍偽辭當備吳夜結期明

梁河南梁縣西南故城也梁單浮餘圍蠻氏蠻氏潰

南有霍陽山皆蠻子之邑也也單音善蠻子赤奔晉陰地陰地河南山北曰司

馬起豐析與狄戎楚司馬馭也析縣屬南鄉郡析南

狄以臨上雒左師軍于菟和菟和山在上雒右師軍

于蒼野蒼野在上雒縣使謂陰地之命大夫士蔑命大夫別

曰晉楚有盟好惡同之若將不廢寡君之願也不然

將通於少習以聽命少習商縣武關也將士蔑請於

趙孟趙孟曰晉國未寧安能惡於楚必速與之未寧

難

士蔑乃致九州之戎九州戎在陰將裂田以與

蠻子而城之蠻子許且將為之卜卜蠻子聽卜遂執之

與其五大夫以昇楚師于三戶今丹水縣司馬致邑

立宗焉以誘其遺民楚復許為蠻子而盡俘以歸

狄

莊公三十一年狄伐邢閔公元年狄人伐邢管敬

仲言於齊侯曰戎狄豺狼不可厭也諸夏親暱不可

棄也宴安酖毒不可懷也詩云豈不懷歸畏此簡書

同惡相恤之謂也請救邢以從簡書齊人救邢二年

冬狄人伐衛衛及狄戰于熒澤衛師敗績遂滅衛此

文獻通考

卷二百六十四

二十三

澤當在狄人囚史華龍滑與禮孔以逐衛人二人曰

我大史也實掌其祭不先國不可得也夷狄畏鬼故

神乃先之至則告守者曰不可待也守者石祁子甯

與矢令守而自禦狄戰敗君死而眾散夜與國人出狄入衛遂從之又

敗諸河衛將東走渡河宋桓公逆諸河迎衛敗眾宵濟夜渡

狄衛之遺民男女七百有三十人益之以共勝之民

為五千人共勝衛別邑立戴公以廬于曹曹衛下邑戴公各申其年卒交

立公媯齊師成曹晉侯使太子申生伐東山臯落氏

赤狄別種也僖公元年春諸侯救邢邢潰出奔師

師遂逐狄人具邢器用而遷之師無私焉八年晉

里克帥師梁由靡御號射為右以敗狄于采桑傳言前年

事也平陽北屈縣西南有采桑津梁由靡曰狄無恥從之必大克不

走故里克曰懼之而已無速眾狄恐怨深而號射曰

可逐羣黨來報期年狄必至示之弱矣夏狄伐晉報采桑之役也

復期月明期年之言驗十年狄滅溫蘇子無信也蘇子叛

王即狄又不能於狄狄人伐之王不救故滅蘇子奔

衛十三年狄侵衛十六年狄侵晉取狐厨受鐸

涉汾及昆都因晉敗也狐厨受鐸昆都晉三邑平陽臨汾縣西北有狐谷亭汾水

出太原南入河十八年邢人狄人伐衛圍菟圃

時秦敗晉于韓

二十一年狄侵衛為邢二十四年鄭伐滑王使伯

文獻通考

服游孫伯如鄭請滑鄭伯怨王不聽命而執二子王怒將以狄伐鄭富辰諫不聽使頹叔桃子出狄師夏狄伐鄭取櫟王德狄人將以其女爲后富辰諫曰不可臣聞之曰報者倦矣施者未厭狄固貪慚王又啓之。女德無極婦怨無終狄必爲患王弗聽初其昭公有寵於惠后惠后將立之未及而卒昭公奔齊王復之。又通于隗氏王替隗氏頹叔桃子曰我實使狄狄其怨我遂奉太叔以狄師攻王王御士將禦之王曰先后其謂我何寧使諸侯圖之王遂出及坎飲國人納之。秋頹叔桃子奉太叔以狄師伐周大敗周師。

王出適鄭處于汜太叔以隗氏居于溫。二十五年。

晉侯納王殺太叔。二十八年。晉侯作三行以禦狄。

荀林父將中行屠擊將右行先蔑將左行。晉置上中下三軍今

復增置三行以避天子六軍之名三十年。晉人侵鄭。狄間晉之有

鄭虞也。夏狄侵齊。三十一年。晉蒐于清源。作五軍

以禦狄。二十八年作三行今冬。狄圍衛。衛遷于帝

丘。三十二年。夏狄有亂。衛人侵狄。狄請平焉。秋衛

人及狄盟。三十三年。狄侵齊。因晉喪也。晉文狄

伐晉。及箕。晉侯敗狄于箕。郤缺獲白狄子。白狄狄別種也故西

河郡有白部胡先軫死於狄師。文公七年。狄侵魯。西鄙公

使告于晉趙宣子使因賈季問鄆舒丘讓之鄆舒鄆舒秋相讓其

伐魯特賈季奔狄故就使讓之九年狄侵齊十年狄侵宋十

三年狄侵衛宣公三年赤狄侵齊四年赤狄侵

齊六年秋赤狄伐晉圍懷及邢丘邢丘今河內平臯縣晉侯

欲伐之中行桓子曰使疾其民為民所疾以盈其貫將可

殪也周書曰殪戎殷此之謂也七年赤狄侵晉取

向陰之禾八年白狄及晉平會晉伐秦十一年

晉卻成子求成于眾狄眾狄疾赤狄之役遂服于晉

赤狄潞氏最强故服役眾狄秋會于欒函眾狄服也是行也諸

大夫欲召狄卻成子曰吾聞之非德莫如勤非勤何

以求於人能勤有繼其從之也勤則功繼之詩曰文王既

勤止文王猶勤况寡德乎十三年赤狄伐晉及清

先穀召之也邲戰不得志故召狄欲為變晉人討先穀殺之十

五年潞子嬰兒之夫人晉景公之姊也鄆舒為政而

殺之又傷潞子之目鄆舒潞相晉侯將伐之諸大夫皆曰

不可鄆舒有三雋才雋絕異也言有才藝絕人者三不如待後之人

伯宗曰必伐之狄有五罪雋才雖多何補焉不祀一

也嗜酒二也棄仲章而奪黎氏地三也仲章潞賢人也黎氏黎侯

之國上黨壺關縣有黎亭虐我伯姬四也傷其君目五也怙其雋

才而不以茂德茲益罪也後之人或者欲敬奉德義

文獻通考卷二百六十四

且

以事神人而申固其命。若之何待之。不討有罪。日將待後。後有辭而討焉。母乃不可乎。夫恃才與眾。亡之道也。商紂由之。故滅也。由用天反時為災。寒暑易節也。反物為妖。羣物失性民反德為亂。亂則妖災生。故文反正為乏。盡在狄矣。晉侯從之。六月癸卯。晉荀林父敗赤狄于

曲梁。辛亥。滅潞。曲梁今唐平曲梁縣也。書癸卯從赴。鄆舒奔衛。衛人歸諸晉。晉人殺之。公羊傳潞何以稱子潞。子之為善也。躬足以亡爾。雖然。君子不可不記也。離于夷狄。疾夷之俗而去離。而未能合乎中國。未能與中國合同禮義。相親比也。故猶繫赤狄之故。稱子之。立黎侯而還。狄奪其地。故晉復立之。晉侯賞桓子狄臣千室。千室家

亦
賞士伯以瓜衍之縣。曰：吾獲狄士子之功也。微子吾喪伯氏矣。邲之敗。晉侯將殺桓子士伯。請而逸之。使趙同獻狄俘于周。十六年。晉士會帥師滅赤狄甲氏及留吁。鐸辰甲氏留吁赤狄別種。晉既滅路。民今又盡。并其餘黨。獻狄俘于王。成公三年。晉卻克衛孫良夫伐齊。咎如討赤狄之餘焉。晉滅赤狄。路氏。其餘黨散入齊。咎如。齊諸侯貳故也。十二年。狄人聞宋之盟以侵晉。而不設備。秋。晉人敗狄于交剛。襄公十八年。白狄始來。白狄狄之別種。未嘗與晉接。故曰始來。不能行朝禮。故不曰朝。二十八年。白狄朝于晉。昭公元年。晉中行穆子敗無終及群狄于

文獻通考

文獻通考

文獻通考

文獻通考

文獻通考

文獻通考

文獻通考

文獻通考

太原即大鹵也崇卒也崇聚也將戰魏舒曰彼徒我車

所遇又阨地險不便車以什共車必克更增十人困諸

阨又克車每困於阨道今去車故為必克請皆卒去車為步卒自我始乃

毀車以為行五乘為三位乘車者車三人今改去車更以五人為

伍分為三五荀吳之嬖人不肯即卒斬以徇魏舒轉斬之荀吳不恨所以能

為五陳以相離兩於前伍於後專為右角參為

左角偏為前拒皆臨時處置之名以誘之翟人笑之笑其失常未

陳而薄之大敗之十二年晉荀吳偽會齊侯者假

道於鮮虞遂入昔陽鮮虞白狄別種在中山新市縣昔陽肥國都樂平治縣東有昔

城陽城秋八月壬午滅肥以肥子綿皐歸肥白狄也綿皐其君各錯鹿

有肥縣城晉伐鮮虞因肥之役也十三年鮮虞人

聞晉師之悉起也平丘盟甲車四千乘而不警邊且不修備晉

荀吳自著雍以上軍侵鮮虞及中人驅衝競中山望都縣西

北有中人城驅衝車與狄逐大獲而歸十五年晉荀吳帥師伐

鮮虞圍鼓鼓白狄之別鉅鹿下曲陽有鼓聚鼓人或請以城叛穆子

弗許左右曰師徒不勤而可以獲城何故不為穆子

曰吾聞諸叔向曰好惡不愆民知所適事無不濟或

以吾城叛吾所甚惡也人以城來吾獨何好焉賞所

甚惡若所好何無以復加所好若其弗賞是失信也何以庇

姦所喪滋多。使鼓人殺叛人而繕守備。圍鼓三月。鼓

人或請降。使其民見曰。猶有食色。姑脩而城。軍吏曰。

獲城而弗取。勤民而頓兵。何以事君。穆子曰。吾以事

君也。獲一邑而教民怠。將焉用邑。邑以賈怠。不如完

舊。賈音古賈怠無卒。卒終也棄怠不祥。鼓人能事其君。我

亦能事吾君。率義不爽。好惡不愆。城可獲而民知義

所。知義所在也。苟與必其能獲故因以示義有死命而無二心。不亦可乎。

鼓人告食竭。力盡而後取之。克鼓而反。不戮一人。以

鼓子戴鞮歸。二十二年。晉之取鼓也。既獻而反。鼓

子又叛於鮮虞。叛晉屬鮮虞六月。荀吳略東陽。昭行也東陽晉

之小東邑也使師僞桑者。負甲以息於昔陽之門外。昔陽故肥

遂襲鼓。滅之。以鼓子貳鞮歸。使涉陀守之。守鼓之地

陀晉大夫中行伯既克鼓。以鼓子苑支來。苑支鼓子貳鞮也。穆子既克鼓

以爲鞮歸既獻而反之其後人叛魯昭二十三年荀吳襲鼓滅之以爲鞮歸使涉陀守之令鼓人

各復其所。非僚勿從。僚官也鼓子之臣曰。夙沙釐。以其

孥行。釐將妻子從鼓子也軍使執之。辭曰。我君是事。非事土也。

名曰君臣。豈曰土臣。今君實遷。徙也臣何賴於鼓。賴利也

穆子召之曰。鼓有君矣。君謂涉陀爾心事君。吾定而祿爵

而女也對曰。臣委質於狄之鼓。未委質於晉之鼓也。定安也

質贊也。士贊以雉委贊而退臣聞之。委質爲臣。無有二心。委質而

策死古之法也。

言委贊於君書各於策示必死也。

君有烈名。臣無叛

質。敢即私利以煩司寇而亂舊法。其若不虞何。即就也。虞

度也。若就私利是謂叛君。叛君有罪故煩司寇。舊法策死之法。若臣皆如是。將有不意度而至之患者。晉

其如之。穆子歎而謂其左右曰：吾何德之務。而有是

臣也。吾當修務何德而得若此之臣也。乃使行既獻。既獻功也。言於公。言

之賢於公公昭與鼓子田於河陰。河陰晉河南之田使君而田也。使

風沙釐相之。定公三年。鮮虞人。晉師于平中。平中晉地。

獲晉觀虎。恃其勇也。五年。晉士鞅圍鮮虞。報觀虎

之役也。敗。哀公六年。晉趙鞅伐鮮虞。治范氏之亂也。

四年鮮虞納荀吳于桓人。

項氏曰：大抵桓文皆畏狄而不問者。齊桓之世。

狄伐邢。齊以微者救之而不能却。狄入衛。齊強

鄭使赴之。而棄其師。城夷儀而遷邢。城楚丘而

遷衛。皆以避狄也。桓公召陵服楚。首止定王室。

五年間。狄為少止八年。信。狄始伐晉。以威齊也。

十年。狄滅溫。溫王畿也。溫子奔衛。狄侵衛。以討

之。其後宋伐齊。而狄反救之矣。晉文之世。其初

信二十四年。狄伐鄭。逐天王也。其後也。晉文公。狄侵齊。

以嘗晉也。狄圍衛。衛遷于帝丘。狄再逐衛也。衛

侵狄。而與狄盟。晉不能討。故衛自報之。而自與

之平也。亦見晉伯之不終矣。自是文公且卒。狄再侵齊。而公亦終身不討狄矣。晉文既縱狄。又復導秦。故晉之子孫。世有秦狄之禍。其後狄常與中國爭衡。而秦遂伐周。亦秦將興。而天遣楚以牽制齊。晉於南方。而不暇北顧。與

按戎之種類不一。其在西方者曰犬戎。最强盛。攻殺幽王于驪山下。取周之地。居涇渭之間。周於是東遷。以其地界秦。秦攻戎却之。而取周之故地。入春秋時。虢公敗犬戎于渭汭。則其遺種之在中國者也。其在北方者曰山戎。亦曰北戎。侵衛侵齊。病焉者是也。其在南方者曰徐戎。居淮泗之間。公會戎于潛。追戎于濟西者是也。其在伊維之間者曰姜戎。亦曰陸渾之戎。本三苗之裔。出自大岳。世居瓜州。熾煌僖公二十二年。秦晉遷其族於伊川。自是世服屬於晉。戎子支駒之屬是也。其姓氏史所不載。惟姜戎姜姓。驪戎姬姓。犬戎亦姬姓。小戎子姓。僅可考。而它則未詳。狄之種亦不一。有赤狄。有白狄。曰臯落氏。曰潞。曰甲氏。留吁。皆赤狄之類也。曰鼓。曰鮮虞。曰肥。皆白

狄之類也。其姓曰隗氏。而潞為潞氏。餘未之詳。然戎狄與春秋相為始終。而齊晉之伯也。亦必先能制戎狄。而後可以為盟主。齊桓之時。戎病周。燕狄伐衛。俱為齊所攘。却不得以逞。夫子所以有微管仲之言也。至晉都冀北。則立國於戎狄之間。祝駝所謂疆以戎索。籍談所謂晉居深山。戎狄之與隣。故其所以待戎狄者。尤不容不無策。自獻惠文襄以來。其規模之大槩可見。戎易服。故懷之德。如遷姜戎。分以南鄙之田。世修其職。及命魏絳和諸戎是也。狄難服。故威之以刑。如作三行。作新軍。皆以禦狄。後來至於滅潞。滅鼓。滅肥。范宣子言吾先君之亟戰也。有故秦狄齊楚皆強。不盡力。子孫將弱。以狄儕之。秦齊楚其強可知。古稱西戎北狄。今考春秋之時。戎散居於四方。惟狄獨倔強於北。散居。故其勢易弱。聚在一方。并力倔強。故其慄悍飄忽之勢。雖誅鋤之。未易帖服。兩漢以來。匈奴常盛於羌戎。蓋有由來矣。

佗

造十四右更言主須更率十三中更十二左更十一

右庶長言為衆十左庶長九五大夫大夫之尊者也

至五大夫八公乘言得乘公家之車也劉昭曰自公七

皆軍吏也與子君若同產然則公七公大夫與下六官大夫加

乘者軍吏之爵最尊者者示稍尊也亦五大夫列位從四不更言不預更三

為之國大夫列位從二上造造成也言有一公士

簪裹以組帶馬曰裹簪二上造造成也言有一公士

言有爵命異於士卒劉昭曰步卒之有爵為士者也

戰國之際秦項之間權設班寵有加賜邑君者蓋假

其位號或空受其爵耳則田嬰為靖郭君白起為武

安君魏丹弟為華陽君秦昭王弟為涇陽君及高陵

君蔡澤為剛成君其後項梁為武信君陳餘為成安

君李左車為廣武君之類是也至漢無多蓋封爵之

外別加美號也

秦爵二十等起於孝公之時商鞅立此法以

賞戰功按古之所謂爵者皆與之以土地如

公侯伯子男以至附庸及孤卿大夫亦俱有

世食祿邑若秦法則惟徹侯有地關內侯則

虛名而已庶長以下不論也始皇遣王翦擊

楚翦請美田宅甚衆曰為大王將有功終不

得封侯然則秦雖有徹侯之爵而受封者蓋

少考之於史惟商鞅封商於魏冉封穰侯范

雎封應侯呂不韋封文信侯嫪毐封長信侯

及始皇既稱皇帝東游海上至琅邪群臣議

頌功德。惟列侯。武成侯。王離。通武侯。王賁。倫索隱曰。爵卑於列侯。無封邑者。倫類也。亦列侯之類。建成侯。趙亥。倫侯。昌武侯。成武侯。馮無擇。如是者不數人而已。然鞅。冉。不韋。毒。皆身坐誅廢。雖幸善終。而亦未聞傳世。王離以下。俱無聞焉。蓋秦之法。未嘗以土地予人。不待李斯建議而後始罷封建也。

始皇二十六年。王初并天下。丞相王綰等言。諸侯初破燕齊荆。地遠不爲置王。毋以鎮之。請立諸子。始皇下其議。群臣皆以爲便。廷尉李斯議曰。周文武所封子弟同姓甚衆。然後屬族。疏遠相攻擊。如仇讐。周天子弗能禁止。今海內賴陛下神靈。一統皆爲郡縣。諸子功臣。以公賦稅重賞賜之。甚足易制。天下無異意。則安寧之術也。置諸侯不便。始皇曰。天下共苦戰鬪不休。以有王侯。賴宗廟。天下初定。又復立國。是樹兵也。而求其寧息。豈不難哉。廷尉議是。分天下爲三十六郡。郡置守尉監。

秦既并天下。丞相綰請分王諸子。廷尉斯請罷封建置郡縣。始皇從之。自是諸儒之論封建郡縣者。歷千百年。而未有定說。其論之最

精者。如陸士衡曹元首。則主綰者也。李百藥。柳宗元。則主斯者也。二說互相排詆。而其所發明者。不過公與私而已。曹與陸之說曰。唐虞三代。公天下。以封建諸侯。故享祚長。秦私天下。以爲郡縣。故傳代促。柳則反之曰。秦公天下者也。眉山蘇氏又從而助之曰。封建者。爭之端。亂之始。篡弑之禍。莫不由之。李斯之論。當爲萬世法。而世之醇儒力詆之。以爲二氏以反理之評詭道之辯。而妄議聖人。然則後之立論者。宜何從。以封建爲非耶。是帝王之法。所以禍天下後世也。以封建爲是耶。則柳蘇二子之論。其剖析利害。指陳得失。莫不切當。不可廢也。愚嘗因諸家公私之論。而析衷之曰。封建郡縣。皆所以分土治人。未容遽曰。此公而彼私也。然必有公天下之心。然後能行封建。否則莫如郡縣。無公天下之心。而欲行封建。是授之以作亂之具也。嗚呼。封建之難行久矣。蓋其弊不特見於周秦之際。而已。見於三代之初。何也。昔者唐虞之世。建國至衆也。天子巡狩。而諸侯述職。然後敷納以

言明試以功。車服以庸。書之所載如此而已。不聞其爭土地以相侵伐。干王略以勤六師也。舜之時。蠻夷嘗猾夏矣。而命臯陶以修五刑五流之法。有苗嘗弗率矣。雖命禹以徂征。卒之以舞干羽而格。則是亦不戰而屈之也。夫蠻夷有苗。皆要荒之外。王政所不加者也。而士師足以治之。不戰足以服之。則當時四岳十二牧所統之國。其謹侯度以奉其上。而不勤征討也。審矣。又安得如柳氏所謂群之分。其爭必大。大而後有兵。如蘇氏所謂爭之

端而亂之始乎。所以然者。何也。則堯舜公天下之心。有以服之也。蓋堯在位七十載。詢于衆庶。以帝位授之舜。舜在位三十有三載。詢于衆庶。以帝位授之禹。而當時之衆建諸侯也。有德者爵之。功加於民者爵之。堯舜無容心也。居天下之上。而與天下之賢。且能者分治之。逮其倦勤。則必求天下之有聖德者。而禪之。夫惟天子不以天下自私。而後諸侯不敢以其國自私。是以雖有土地之廣。人民之衆。甲兵之強。其勢足以爲亂。而莫不帖服於

其下。如臂指之相使。以爲當然。是則唐虞以
公天下之心行封建。而當時封建。所以無救
也。蓋家天下自夏始。大封同姓。而命之曰藩。
并王室自周始。二者皆聖人隨時制變。以綱
維斯世。未容以私議之也。然上視堯舜。則少
福矣。故封建之救。始於夏。而成於周。是以禹
一傳而啓。有有扈氏之征。再傳而仲康。有羲
和之征。夫以天子而征諸侯。諸侯弗率。而上
于天子之征。禹之前無有也。而始於有扈。夫
有扈之罪曰。威侮五行。怠棄三正而已。羲和
之罪曰。沈湎于酒。畔官離次而已。二罪者。以
法議之。則誅止其身。而二人生於漢世。則一
廷尉足以定其罪矣。而啓與仲康。必命六師
以征之者。則必恃其土地甲兵。不卽引咎。而
悍然以抗其上矣。書紀其事曰。大戰曰。徂征。
而觀其誓師之辭。有不用命之戮焉。有愛克
厥威之戒焉。殲渠魁。釋脅從之令焉。則兵師
之間。所傷衆矣。夫治一人之罪。而至於興師。
使無辜之人受用兵之禍。則封建之救也。故
曰。已見於三代之初。此之謂也。夫有扈。羲和

之罪。雖王政所必討。而比之猾夏。則有間矣。舜之時。士師明刑。足以正蠻夷猾夏之罪。而啓少康之時。非天子總六師。不足以治諸侯。怠慢沈湎之過。則可以見當時諸侯擅其富強。非文誥刑禁之所能詰也。自是而後。天子私其天位。而世守之。諸侯亦私其國之土地。甲兵而擅用之。幸而遇賢聖之君。德足以懷而威足以制。則猶可攝服。而其中衰之際。人心未離。而諸侯先叛之。至於周列五等。邦群后。雖曰親賢並建。而終不以異姓先諸姬。文昭武穆之封。遍於天下。封建之法益詳。經制益密。而示人益褊矣。是以夏商有國數百年。苟未至於桀紂之暴。猶足以制宇內。而朝諸侯。而周數傳而後。卽有末大不掉之憂。故景主之責。晉曰。文武成康之建母弟。以藩屏王室。亦其廢隊。是爲豈如弁髦。而因以救之。而李斯之說亦曰。周文武所封子弟同姓甚衆。然後屬疏遠。相攻擊如仇讐。周天子弗能禁也。然則其效可觀矣。蓋時不唐虞。君不堯舜。終不可復行封建。謂郡縣之法出於秦而必

欲易之者。則書生不識變之論也。夫置千人於聚貨之區。授之以挺與刃。而欲其不爲奪攘矯虔。則爲之主者。必有伯夷之廉。伊尹之義。使之靡然潛消。其不肖之心。而後可。苟非其人。則不若藏挺與刃。嚴其檢制。而使之不得以逞。此後世封建之所以不可行。而郡縣所以爲良法也。而王綰淳于生之徒。乃欲以三代不能無救之法。使始皇行之。是教盜跖假其徒以利器。而與之共處也。則亦不終日而刃劓四起矣。或曰禹之傳子。周之封同姓。皆聖人之經制也。而子顧妄議其私天下。而以爲劣於唐虞。何哉。曰世之不古久矣。聖人不能違時。不容復以上古之法治之也。而世固不能知聖人之心也。記曰有虞氏未施信於民。而民信之。夏后氏未施敬於民。而民敬之。殷人作誓。而民始畔。周人作會。而民始疑。然則殷周豈果劣於虞夏乎。而或畔或疑。起於誓會者。以時人之不皆聖人也。禮運載夫子言大道之行。天下爲公。選賢與能。講信修睦。而繼之以謀。閉而不興。盜竊亂賊而不作。

以爲大同。大道既隱，天下爲家，各親其親，各子其子，而繼之以謀用，是作而兵由此起。禹湯文武成王周公由此，其選以爲小康。然則官天下與家天下者，其規模之廣隘，治效之優劣，雖聖人不能比而同之矣。萬章曰：人有言至於禹而德衰，不傳於賢而傳於子，而孟子累數百言辯之，以爲皆天也。然則知禹之傳子非私者，千載而下，一孟子而已。豈可復望之當時諸侯乎？世本稱有扈氏，以堯舜傳賢而禹傳啓，故啓立而不服，遂征之。然則非

愚之臆說也。

或曰：子謂唐虞以前諸侯無戰，歟？既取其事，列於封建之前，則與此論自爲抵牾矣。曰：黃帝紀乃太史公取傳記百家之言，孔子定書，斷自唐虞三皇之事，若亡若存，傳記所載，姑採之以廣異聞耳。至於立論當以六經所取爲斷。

秦楚之際，起兵自立者凡六國。

楚陳勝陽城人，爲閭左，戍屯長屯大澤鄉。二世元年七月，起兵於蘄，據陳自立爲王，號張楚。至二年十月，兵敗，其御莊賈殺陳王以降。自起兵至亡，凡六月。秦以十月爲歲首。二年十二月，乃建亥之三月也。襄彊陳涉既起兵，令苻離人葛嬰徇地。時楚兵數

千人爲聚者不可勝數。嬰至東城立彊爲楚。後聞陳王已立，因殺襄彊。

景駒 陳王初立時，陵人秦嘉等皆特起將兵圍東

海。今海州。自爲大司馬。二世二年正月，嘉聞陳王兵破

出走，乃立景駒爲楚王，引兵之方與。兗州縣。三月，項梁

擊秦嘉，嘉軍敗死，景駒走死梁地。

義帝 秦二世二年三月，范增說項梁立楚後，梁求

得楚懷王孫心於民間。六月，立以爲楚懷王，都盱眙。

漢王九年正月，項羽尊懷王爲義帝，徙於江南，都郴。

二年，項羽密使九江衡山臨江王擊義帝，殺之江中。

自立至弒，凡二年零四月。

趙 武臣，陳人，爲陳王將軍，將兵徇趙，下趙七十餘

城。二世八月，自立爲趙王。二年十一月，其將李良襲

邯鄲，殺趙王，自立至亡，凡五月。趙王歇，李良旣殺

武臣，張耳、陳餘收趙散兵，擊良，敗之。二世二年春正

月，耳餘立歇爲趙王。漢元年，項羽徙歇爲代王，以張

耳爲常山王，分趙爲二。陳餘擊耳，耳敗走歸漢，迎趙

王於代，復爲趙王。漢三年，韓信、張耳擊趙，禽王歇，自

立至亡，凡三年零九月。

燕 韓廣，趙人，爲趙王武臣將兵徇燕。

二世元年九月至薊。自立爲燕王。漢王元年。正月。項羽分燕爲二。徙廣爲遼東王。都無終。以臧荼爲燕王。廣不肯徙。臧荼殺廣併其地。自立至亡。凡二年。零十一月。

齊。田儻。故齊王族。二世元年。九月。陳王令將周市。徇地至狄。儻因殺狄。令自立爲齊王。發兵擊周市。市還。二年。六月。章邯擊魏。儻故魏邯大破齊。殺儻。田榮收儻餘兵。走東阿。齊人立故齊王建弟假爲王。榮逐假。立儻子市爲王。漢王元年。正月。項羽分齊爲三。徙市爲膠東王。都卽墨。六月。田榮殺市而自立。并取三

齊之地。二年。項王北擊齊。齊王榮戰敗死。項王復立田假爲齊王。榮弟橫立榮子廣爲王。攻田假。假走死。橫復定三齊之地。四年。韓信襲破齊。虜王廣。自儻至廣。凡四傳。共六年。

魏。甯陵君咎。本魏公子。在陳。二世元年。九月。陳王將周市徇地至魏。魏地已定。乃迎咎於陳。立爲魏王。二年。六月。章邯擊破魏。咎自殺。其弟豹亡。走楚。楚懷王與豹兵復徇魏地。九月。豹自立爲王。都平陽。漢王元年。正月。項羽自取梁地。徙豹爲西魏王。王河東。二年。八月。韓信擊魏。虜豹。凡二傳。四年。

韓 橫陽君成。本韓諸公子。二世二年六月。項梁已立楚懷王。張良說梁立韓後。謂成最賢。乃立爲韓王。西掠韓地。得數城。漢王元年十月。從項羽略地入關。二年。羽分韓爲河南。令韓王成因故都。都陽翟。羽以韓王成無功。故不遣之國。與俱至彭城。廢以爲穰侯。已又殺之。自立至亡。凡三年。

項王所立諸侯王。凡十四國。

楚 漢元年正月。項羽分天下王諸將。自立爲西楚霸王。王梁楚地九郡。都彭城。五年十二月。漢滅之。自立至滅。凡四年。

秦 秦將章邯降項羽。羽立爲雍王。王咸陽。以西都廢丘。漢二年二月。漢王取雍地。殺邯。自立至亡。凡一年零五月。

塞 秦長史司馬欣。故爲櫟陽獄掾。嘗有德於項梁。故羽立爲塞王。王咸陽。以東至河。都櫟陽。漢元年八月。漢王襲雍。遣諸將略地。塞王欣降。自立至亡。凡七月。

翟 秦都尉董翳。本勸章邯降楚。故羽立翳爲翟王。王上郡。都高奴。漢元年八月。漢王遣兵至咸陽。翟王翳降。自立至亡。凡七月。

河南 瑕丘申陽者張耳嬖臣也。先下河南郡。迎楚河上。故羽分韓地立申陽爲河南王。都洛陽。漢二年十月。河南王申陽降漢爲河南郡。自立至亡。凡九月。殷 趙將司馬卬定河南數有功。故羽立卬爲殷王。王河內。都朝歌。二年春三月。漢王自臨晉渡河取魏將兵從下河內虜殷王卬置河內郡。自立至亡。凡十月。

常山 羽以趙相張耳素賢。從入關。故立耳爲常山王。王趙地。治襄國。漢二年十月。陳餘以趙兵與齊共襲常山王張耳。敗走歸漢。自立至敗。凡九月。後漢以

不爲趙王

九江 當陽君黥布爲楚將。常冠軍。故羽立布爲九江王。都六。漢三年十一月。使謁者隨何說布叛楚間行歸漢。楚收九江兵。殺布妻子。自立至歸漢。凡一年。零十月。

衡山 番君吳芮率百越佐諸侯。又從入關。故羽立芮爲衡山王。都邾。項籍死。高祖以芮將梅鋗有功。從入武關。故德芮徙爲長沙王。都臨湘。一年薨。謚文王。成王臣 哀王回 共王右 靖王差。孝文後七年薨。無子國除。凡五傳。共五十年。

臨江。義帝柱國。共敖將兵擊南郡功多。故羽立敖為臨江王都江陵。漢三年八月。薨。子尉嗣。五年。漢既定天下。尉不降。遣盧綰。劉賈擊虜。尉凡再傳。共五年。燕將臧荼從楚救趙。因從入關。故羽立荼為燕王都薊。五年。漢既誅項籍。荼反。使盧綰。劉賈擊荼。取燕自立。至亡。凡五年。

齊將田都從楚救趙。因從入關。故羽立都為齊王都臨菑。五月。田榮發兵距擊田都。都亡。走楚。榮取齊地為王。自立至亡。凡五月。

羽方渡河救趙。田安下濟北。數城。引其兵降羽。立安為濟北王。都博陽。六月。田榮遣彭越擊殺安。并其地。自立至亡。凡六月。

項羽既殺韓王成。以故吳令鄭昌為韓王。漢元年八月二年十月。漢以韓襄王孫信為韓太尉。將兵略韓地。擊韓王。昌於陽城。昌降。自立至亡。凡三月。

漢所立異姓諸侯王。凡八國。

二年。漢既取韓王。昌地。十一月。立韓襄王孫信為韓王。常將韓兵從漢王。五年。與信剖符。王潁川。六年。更以太原郡為韓國。徙信以備胡。信請治馬邑。從之。秋。匈奴入寇。信以馬邑降匈奴。七年。自上擊破之。

信亡走匈奴自立至亡凡五年

趙常山王張耳為陳餘所擊敗走歸漢四年十一月立耳為趙王五年薨謚景王子敖嗣九年坐貫高反降為宣平侯凡再傳六年

淮南九江王英布叛楚歸漢楚收其兵取其地四年七月立布為淮南王都六十年夏謀反兵敗滅自立至亡凡八年

齊韓信既取齊請為假王四年春二月立信為齊王五年平項籍徙信為楚王都下邳六年人言信謀反執之降為淮陰侯復坐誅自立至執凡二年

彭越為梁相國定梁地漢五年以睢陽以北至

荊城封越為梁王都定陶十一年人告越反廢為庶人後誅之自立至亡凡六年

燕盧綰從擊項籍籍亡擊燕王臧荼破之五年九月立綰為燕王十二年綰反亡入匈奴自立至亡凡七年

閩越漢五年以閩越王無諸身帥閩中兵以佐滅秦封為閩粵王王閩中地傳郢丑餘善武帝元封元年餘善反漢遣兵誅之取其地自受漢封至亡凡四傳九十二年

武帝

南粵 漢十一年。遣陸賈立南海尉趙佗為南粵王。

與剖符通使使和輯。百粵傳。胡孫嬰齊。典

建德 武帝元鼎六年。粵相呂嘉以粵反。漢遣兵擊

滅之。自受漢封至亡。凡五傳。八十五年

呂后立異姓呂氏王。及所名孝惠子王。凡八國

呂 用呂侯呂澤以客從高祖定三秦。子台嗣為侯

高后元年。以兄子呂台為呂王。割齊之濟南郡為呂

王奉邑。二年薨。子嘉嗣六年。坐驕恣廢。自立至廢。再

傳。凡六年。高后稱制六年。以呂台弟浞侯產為呂王。七年。

呂王八年。呂后崩。作亂。周勃等誅之。自立至誅

凡三年。趙 高后稱制七年。以建城侯呂釋之子祿為趙王

八年。呂后崩。作亂。周勃等誅之。自立至誅。凡二年

燕 高后稱制八年。冬十月。立呂肅王子東平侯通

為燕王。其年九月。呂后崩。諸呂謀亂。坐誅

淮陽 高后稱制元年。立所名孝惠子彊為淮陽王

如淳曰。外戚恩澤侯表。言彊等皆呂氏之子也。五年。彊薨。謚曰懷。以壺關侯

武為淮陽王。八年。高后崩。大臣誅諸呂。立文帝。武坐

非孝。惠子誅。自立至誅。凡再傳。八年

恒山高后稱制元年立所名孝惠子不疑為恒山王。二年不疑薨謚曰哀。更立襄城侯山為恒山王。更名義。四年以恒山王為帝。更名弘。以軹侯朝為恒山王。武弘朝亦所立名八年高后崩文帝立坐非孝惠子誅自立至誅凡三傳八年。


濟川高后稱制七年七月立所名孝惠子平昌侯太為濟川王。八年九月文帝即位坐非孝惠子誅。

按呂后勦除高皇側室之子三趙王皆不得其死齊代僅免而獨以其外孫張后之故取他人子名為孝惠子嗣帝位者二人封王者

五人何其多也。然少帝稍長則銜殺母之冤坐廢以死強不疑亦皆夭折。弘朝武太皆見誅於事久論定之後所謂非所據而據焉。不有天刑必有人禍。竟何益哉。

魯高后稱制元年封魯元公主子張偃為魯王。八年誅諸呂坐廢為侯自立至廢凡八年。

漢初諸侯王其顛末見於太史公。秦楚之際月表及班孟堅異姓諸侯王表。然有自立者。三秦陳涉武臣之徒是也。有為項王所立者。三秦常山九江之類是也。有高帝所立者。韓彭之



徒是也。有呂后所立者。祿產及所名孝惠子。是也。楚一也。而有陳涉焉。有襄強景駒焉。有懷王焉。有項羽焉。有韓信焉。蓋八年之間。楚凡五易姓也。趙一也。而有武臣焉。有趙歇焉。有張耳焉。有呂祿焉。蓋二十九年之間。趙凡四易姓也。燕一也。而有韓廣焉。有臧荼焉。有盧縮焉。有呂通焉。蓋三十年之間。燕凡四易姓也。韓一也。而有韓成焉。有鄭昌焉。有韓信焉。蓋四年之間。韓凡三易姓也。馬班二表。只以各國譜其年世。而於其受封之異。易姓之殊。稍欠分別。故今敘秦楚之際。自立者六國。項王所立者十四國。高帝所立者八國。呂后所立者八國。而於五楚。四燕。四趙。三韓。敘其受封之本。而各稽其興廢之歲月焉。又有亡而復封者。如張耳。項羽。初封爲常山王。後失國。漢再封爲趙王。英布。項羽。初封爲九江王。後失國。漢再封爲淮南王。蓋人同而國異。凡再受封。故亦分而二之。至吳芮之自衡山王爲長沙王。韓信之自齊王爲楚王。則元未嘗失國再封。不過遷徙。故不復再著云。

高祖昆弟子孫爲王者凡二十國

楚元王交高祖同父少弟從帝起兵入武關六年

既廢楚王信分其地爲二國封交爲楚王王薛郡東

海彭城三十六縣立二十三年薨夷王郢客嗣四

年薨子王戊嗣立二十一年謀反兵敗自殺景

帝立宗正平陸侯禮元王寵子奉元王後是爲文王三年

薨子安王道嗣二十二年薨子襄王注嗣十四

年薨子節王純嗣十六年薨子延壽嗣立三十

二年有罪自殺國除楚凡八傳一百三十五年

代高祖况傳六年以雲中鴈門代郡五十三縣封

爲代王七年爲匈奴所攻棄國自歸廢爲卻陽侯

子漢黥布反時以沛侯爲騎將從破布軍乃立漢爲

吳王王東陽章郡吳郡三郡五十三城景帝三年謀

反兵敗死國除代二年吳四十二年

齊悼惠王肥高祖微時外婦之子六年以七十城

封肥爲齊王立十三年薨子哀王襄嗣立十一年

薨子文王則嗣立十四年薨無子文帝憐悼惠

王適嗣乃分齊爲六國盡立前所封悼惠王子列侯

見在者六人爲王揚虛侯將問爲齊王立十一年吳

楚反坐陰通謀自殺謚孝王景帝愍其無罪復封

其太子壽。是爲懿王。二十三年薨。子厲王。次昌立。四年。爲主父偃所構。自殺。無子國除。齊凡六傳。七十六年。

城陽 景王章悼惠王子也。以朱虛侯入宿衛。孝文二年。以誅諸呂功。割齊一郡。封章爲城陽王。二年薨。子共王喜立。三十四年薨。子頃王延立。二十六年薨。子敬王義嗣。九年薨。子惠王武立。十年薨。子荒王順立。三十六年薨。子戴王恢嗣。八年薨。子孝王景嗣。二十四年薨。子哀王雲嗣。一年薨。無子國絕。成帝復封雲兄但爲城陽王。王莽時絕。

城陽凡十傳。一百八十六年。

濟北 東侯與居。齊悼惠王子。高后時入宿衛。與大臣迎立文帝。二年。割齊一郡。封與居爲濟北王。三年。謀反。兵敗自殺。上憫濟北王逆亂自滅。十五年。分齊爲六國。盡封悼惠王諸子。復以安都侯志爲濟北王。亦悼惠子。復徙王菑川地。北齊志立。三十六年薨。謚懿王。子靖王建嗣。二十年薨。子頃王遺嗣。三十五年薨。子思王終古嗣。二十八年薨。子考王尚嗣。五年薨。子孝王橫嗣。三十一年薨。子懷王交嗣。六年薨。子永嗣。王莽時絕。濟北與居一年。懿王

志以下八傳一百七十四年

菑川 武城侯賢。齊悼惠王子。孝文十五年。分王菑

川。孝景三年。同吳楚反。坐誅。國除。凡十一年。

膠東 白石侯雄渠。齊悼惠王子。孝文十五年。分王

膠東。孝景三年。同吳楚反。坐誅。國除。凡十一年。

膠西 平昌侯卬。齊悼惠王子。孝文十五年。分王膠

西。孝景三年。同吳楚反。坐誅。國除。凡十一年。

班固贊曰。悼惠之王齊。最為大國。以海內初

定。子弟少。懲秦孤立無藩輔。故大封同姓以

鎮天下。時諸侯得自除。御史大夫。群卿以下

衆官如漢朝。漢獨為置丞相。自吳楚誅後。稍

奪諸侯權。左官附益阿黨之法設。張晏曰。諸

相不舉。奏為阿黨師。古曰。皆新制律令之條也。左官解在諸侯。王表附益言欲增益諸侯

也。王其後諸侯唯得衣食租稅。貧者或乘牛車。

文帝六年。梁太傅賈誼上疏曰。夫樹國必相疑

之勢。下數被其殃。上數爽其憂。甚非所以安上

而全下也。今或親弟謀為東帝親兄之子。西鄉

而擊。今吳又見告矣。天子春秋鼎盛。行義未過。

德澤有加焉。猶尚如是。况莫大諸侯。權力且十

此者乎。然而天下少安何也。大國之王。幼弱未

壯。漢之所置傅相，方握其事。數年之後，諸侯之
王大抵皆冠血氣，方剛。漢之傅相稱病而賜罷，
彼自丞尉以上，徧置私人如此，有異淮南、濟北
之爲耶？此時而欲爲治安，雖堯舜不治。黃帝曰：
日中必曩，操刀必割。今令此道順而全安，甚易，
不肯蚤爲已，乃墮骨肉之屬而抗到之，豈有異
秦之季世乎？其異姓負強而動者，漢已幸而勝
之矣，又不易其所以然，同姓襲是跡而動，旣有
徵矣，其勢盡，又復然，殃禍之變，未知所移。明帝
處之尚不能以安，後世將如之何？臣竊跡前事，

大抵強者先反。長沙乃二萬五千戶耳，功少而
最完，勢踈而最忠，非獨性異人也，亦形勢然也。
曩令樊鄴絳灌，據數十城而王，今雖以殘亡，可
也。令信越之倫，列爲徹侯而居，雖至今存，可也。
然則天下之大計可知已。欲諸王之皆忠附，則
莫若令如長沙王。欲臣子勿蒞醢，則莫若令如
樊鄴等。欲天下之治安，莫若衆建諸侯而少其
力。力少則易使，國小則亡邪心。令海內之勢，如
身之使臂，臂之使指，莫不制從，諸侯之君不敢
有異心，輻湊並進而歸命天子，割地定制，令齊

趙楚各爲若干國。使悼惠王。幽王。元王之子孫。畢以次各受祖之分地。地盡而止。其分地衆而子孫少者。建以爲國。空而置之。須其子孫生者。舉使君之。一寸之地。一人之衆。天子無所利焉。誠以定治而已。如此。則臥赤子天下之上。而安植遺腹。朝委裘而天下不亂。當時大治。後世頌聖。陛下誰憚而久不爲。此天下之勢。方病大瘡。一脛之大幾如腰。一指之大幾如股。平居不可屈伸。一二指擗身。慮亡聊失。今不治。必爲錮疾。後雖有扁鵲不能爲已。病非徒瘡也。又苦踈鑿。元王之子。帝之從弟也。今之王者。從弟之子也。惠王之子。親兄子也。今之王者。兄子之子也。親者或無分地以安天下。疏者或制大權以偪天子。臣故曰。非病瘡也。又若灸鑿。可痛哭者。此病是也。

按孝文之時。山東之國。齊七十二城。楚四十城。吳五十城。晁錯所謂封三庶孽分天下半是也。三國之中。齊爲尤大。悼惠王復子多。而材。呂氏之亂。哀王襄欲舉兵西向。則關中爲之震恐。且有自帝之謀。其弟朱虛東牟。且將

爲內應。幸諸呂已誅，文帝正位，而其謀遂寢。然則帝卽位之後，諸侯之勢踈而逼，地大而可忌者，莫如齊、吳、楚，而齊尤甚。帝之慮豈不
及此。故雖盡復呂后所奪齊地，而卽割其二郡以王城陽、濟北，逮濟北以構逆，誅文王絕世，則盡以齊地分王。悼惠之六子，卽賈誼所謂各受其祖之分地，地盡而止。天子無所利焉者也。及孝景之時，吳、楚爲逆，悼惠王之子孫所謂六王者，皆預其謀，然俱以國小兵弱，故齊與濟北雖預密謀，而終不敢發。膠、東、膠西、濟南、菑川，僅能出兵圍齊，及漢兵出，則久已潰散。吳、楚旣無鉅援，宜其速敗。使齊地不早分，以一壯王，全據七十二城之甲兵，與吳楚合從，西向漢之憂未艾也。孰謂誼言不見用，而文帝爲無謀哉。

荆 將軍劉賈、高祖從父弟，爲將有功。六年，以故東陽郡、鄆郡、吳郡，東陽今下邳，鄆丹陽吳郡會稽也。五十三縣，立賈爲

荆王。十一年，黥布反，擊荆，賈弗勝，爲布所殺。無後，國除。荆凡六年。

淮南 厲王長，高祖少子。十一年，淮南王布反，上擊

滅之乃立長為淮南王文帝六年坐謀反廢死 十

二年上分淮南故地立厲王三子以阜陵王安為淮

南王武帝元狩元年坐謀反自殺國除為九江郡

淮南凡再傳長二十二年安四十二年共六十四年

衡後為濟北安陽侯勃淮南厲王子文帝十二年分淮

南地以勃為衡山王孝景三年吳楚反以書招勃勃

不應景帝嘉之徙為濟北王立十四年薨謚貞王

子式王胡嗣五十四年薨子寬嗣十二年有罪自

殺國除為泰山郡北安縣 衡山凡三傳共八十年

廬江後為衡山陽周侯賜淮南厲王子文帝十二年分

南地以賜為廬江王後徙為衡山王立三十三年

坐謀反自殺

趙 隱王如意高帝子九年立凡四年為呂太后

所殺亡後

共王恢高帝子十一年誅彭越立恢為梁王

立凡十六年高后七年徙王趙其年自殺無

後

幽王友高帝子十一年立為淮陽王趙隱王

如意死孝惠元年徙王趙立十年幽死孝文

即位立幽王子遂為趙王立二十六年孝景

即位立幽王子遂為趙王立二十六年孝景

時與吳楚謀反敗自殺國除趙凡四王五十六年

河間文帝二年以趙之河間郡立趙幽王次子辟疆為河間王立十三年薨謚文王子衷王福嗣一年薨無子國除河間再傳凡十四年

燕靈王建高帝子十一年燕王盧綰亡入匈奴明年立建為燕王立十五年薨呂后殺其子無後

琅邪後為燕營陵侯劉澤高祖從祖昆弟也以擊陳豨有功高后七年封為琅邪王文帝元年徙澤為燕王復以琅邪歸齊二年薨謚敬王子康王嘉嗣九

年薨子定國嗣位四十二年有罪自殺國除

凡三傳五十二年

文帝子孫為王者凡七國

代後為梁孝王武景帝同母弟孝文二年立為代王

十二年徙為淮陽王十三年徙為梁王立三十五年薨景帝分梁為五國盡立孝王男五人為王太

子買嗣十年薨子平王襄嗣立四十年薨子頃

王無傷嗣十一年薨子敬王定國嗣四十年薨

子夷王遂嗣六年薨子荒王嘉嗣十五年薨子

立嗣二十七年元始中坐與平帝外家衛氏交通王

秦奏廢爲庶人。自殺。國除。梁凡八傳。一百八十四年。

太原後爲代

孝王參。文帝諸姬子。二年。封太原王。四

年。徙爲代王。并得太原。都晉陽如故。十七年薨。子

共王登立。二十九年薨。子剛王義立。元鼎中。徙代

王於清河。四十年薨。子頃王湯立。二十四年薨。

子牟立。三年。坐淫亂廢爲庶人。國除。凡五傳。一百一

十三年。

梁懷王揖。文帝少子。二年。封梁王。立十年。入朝。墮馬死。無子。國除。

文帝十一年。賈誼上疏曰。陛下卽不定制。如今之勢。不過一傳。再傳。諸侯猶且人恣而不制。豪植而大強。漢法不得行矣。陛下所以爲蕃捍。及皇太子之所恃者。唯淮陽代二國耳。代北邊匈奴。與強敵爲鄰。能自完則足矣。而淮陽之比大諸侯。僅如黑子之著面。適足以餌大國。而不足以有禁禦方。今制在陛下。制國而令子適足以爲餌。豈可謂工哉。臣之愚計。願舉淮南地以益淮陽。而爲梁王立後。割淮陽北邊二三列城與東郡以益梁。不可者可徙代王而都睢陽。梁起

於新鄭以北著之河。淮南包陳以南捷之江。則大諸侯之有異心者。破膽而不敢謀。梁足以扞齊趙。淮陽足以禁吳楚。陛下高枕終無山東之憂矣。此二世之利也。當今恬然。適遇諸侯之皆少。數歲之後。陛下且見之矣。夫秦日夜苦心勞力。以除六國之禍。今陛下力制天下。願指如意。高拱以成六國之禍。難以言智。苟身無事。畜亂速禍。孰視而不定。萬年之後。傳之老母弱子。將使不寧。不可謂仁。帝於是從誼計。徙淮陽王武爲梁王。北界泰山。西至高陽。得大縣四十餘城。

先公曰。誼之意甚勤。而謀甚忠矣。雖然。此不過以親疎爲強弱耳。疎者難防。親者可倚。固也。然今日之疎。本前日之親。今日之親。又他日之疎也。不以德義相維。而專以親戚相制。豈得爲萬世之良策乎。親以寵偏。則又如之何。高皇帝立諸子。一傳文帝。而高帝諸子已足爲文帝憂。帝又專以大城名都。畀其子孫。將不復爲後人憂乎。

濟川 垣邑侯明梁孝王次子。孝王薨。景帝分梁立明爲濟川王。立七年。有罪。廢爲庶人。國除。

濟東 彭離 梁孝王子。孝王薨。分梁地王之。立二十九年。有罪廢為庶人。國除。

山陽 哀王定。亦梁孝王子。孝王薨。分梁地王之。立九年。薨。無子。國除。

濟陰 哀王不識。亦梁孝王子。孝王薨。分梁地王之。立一年。薨。無子。國除。

景帝子孫為王者凡十七國

河間 獻王德。景帝子。二年封立。二十六年。薨。子

共王不害嗣。四年。薨。子剛王堪嗣。十二年。薨。子

頃王授嗣。十七年。薨。子孝王慶嗣。四十三年。薨。

子才嗣。十七年。坐淫亂殘賊廢。國除。成帝建始元

年。立无弟良為河間王。二十七年。薨。謚惠王。子尚

嗣。王莽時絕。凡八傳。一百六十年

臨江 哀王闕。景帝子。二年封立。三年。薨。無子。國除

閔王樂。景帝子。前四年。立為皇太子。四歲。廢

為臨江王。坐侵廟墺地。自殺。亡子。國除

魯恭王餘。景帝子。前二年。封為淮陽王。吳楚反。破。後

徙王魯。立二十八年。薨。子安王光嗣。四十年。薨。

子孝王慶忌嗣。三十七年。薨。子頃王頸嗣。二十八

年。薨。子文王駿嗣。十八年。薨。亡子。國除。哀帝建平

三年立頃王子駿弟閔爲魯王。王莽時絕。凡六傳。一百六十四年。

江都 易王非。景帝子。以前二年立爲汝南國。吳楚反。討平之。徙王江都治故吳國。二十七年薨。子建嗣。六年坐淫亂殘酷不道自殺。國除爲廣陵郡。

膠西 于王端。景王子。以前三年封立。四十七年薨。無子。國除爲膠西郡。

趙 敬肅王彭祖。景帝子。以前二年封廣川王。趙王遂反破。後徙王趙。立六十三年薨。子頃王昌嗣。十九年薨。子懷王尊嗣。五年薨。無子。國絕。二歲。宣

帝立尊弟高爲哀王。數月薨。子共王克嗣。五十六年薨。子隱嗣。十九年王莽時絕。凡六傳。一百六十二年。

平于 武帝以親親故立趙敬肅王小子偃爲平于王。今廣平十一年薨。是爲頃王。子繆王元嗣。二十五年薨。有司奏其罪。國除。凡再傳。三十六年。

中山 靖王勝。景帝子。以前三年封立。四十三年薨。子哀王昌嗣。一年薨。子康王昆侈嗣。二十一年薨。子頃王輔嗣。四年薨。子憲王福嗣。十七年薨。子懷王循嗣。十五年薨。無子絕。四十五歲。成帝

鴻嘉二年。復立憲王弟孫利鄉侯子雲客爲廣德夷
王。二年薨。無子絕。十四歲。哀帝復立雲客弟廣漢
爲廣平王。四年薨。無後。

平帝元始元年。立廣川惠王曾孫倫爲廣德王。奉靖
王後。立九年。王莽時絕。凡九傳。一百一十六年。

長沙。定王發。景帝子。前三年封。二十八年薨。子

戴王庸嗣。二十七年薨。子頃王鮒嗣。十七年薨。

子刺王建德嗣。三十四年薨。子煬王旦嗣。二年

薨。無子絕。元帝初元三年。立旦弟宗。是爲孝王。五

年薨。子魯人嗣。四十八年。王莽時絕。凡七傳。一

百六十二年。

廣川。惠王越。景帝子。以中二年封。十三年薨。子

繆王齊嗣。四十四年薨。子去嗣。立二十二年。坐殘

酷廢。自殺。國除。後四歲。宣帝復立去兄文。二年薨。

子海陽嗣。十五年。坐罪廢。國除。平帝元始二年。復

立戴王弟子瑜。爲廣德王。奉惠王後。二年薨。子赤

嗣。七年。王莽時絕。凡七傳。一百卅五年。

膠東。康王寄。景帝子。中二年封。立三十八年。薨。

子哀王賢嗣。十五年。薨。子戴王通平嗣。二十四年。

薨。子頃王音嗣。五十四年。薨。子共王授嗣。十四

年薨。子殷嗣。二十三年。王莽時絕。凡六傳。一百

五十八年

六安 膠東康王寄少子。慶愛幸。寄常欲立之。寄薨

上怜之。立慶為六安王。王故衡山地。寄母王夫人即武帝母王太后

之妹寄於上最親立三十八年。薨。子夷王祿嗣。十年。薨

子繆王定嗣。二十二年。薨。子頃王光嗣。二十七年。

薨。子育嗣。三十三年。王莽時絕。凡五傳。一百三

十年

清河 哀王乘。景帝子。中三年封立。十二年。薨。無子。

國除

山 憲王舜。景帝子。中五年立。三十三年。薨。子

勃嗣。數月。坐罪廢。國除

真定 頃王平常。山憲王之子。憲王薨。太子坐罪廢。

天子以憲王最親。母亦王夫人閔其滅國。乃以三萬戶封

平為真定王。立二十五年。薨。子烈王偃立。十八年。

薨。子孝王由立。二十二年。薨。子安王雍立。二十

六年。薨。子共王普立。十五年。薨。子陽立。十六年。

王莽時絕。凡六傳。一百三十三年

泗水 思王商。亦常山憲王子。與真定王同時封立

十二年。薨。子哀王安世立。十年。薨。無子。武帝立

文獻通考

卷一百六十五

三十一

其弟賀。是為戴王。立二十二年。薨。子勤王煖立。三十九年。薨。子戾王駿立。三十一。薨。子靖立。十九年。王莽時絕。凡六傳。一百三十三年。

武帝子孫王者。凡六國。

齊 懷王閔。武帝子。元狩六年封立。八年薨。無子。國除。

燕 刺王旦。武帝子。元狩六年封立。三十七年。坐謀反。自殺。國除。

廣陽 頃王建。燕刺王旦太子。旦反。赦為庶人。宣帝即位。乃封建為廣陽王。立二十九年。薨。子穆王舜。

嗣二十二年。薨。子思王璜嗣。二十年。薨。子嘉嗣。

十二年。王莽時絕。凡四傳。八十二年。

廣陵 厲王胥。武帝子。元狩六年立。六十四年。坐詛祝上。自殺。國除。後七年。宣帝復立胥太子霸。是為

孝王。十三年。薨。子共王意嗣。三年。薨。子哀王護

嗣。十六年。薨。無子絕。成帝復立孝王子宇。是為靖

王。立二十年。薨。子法嗣。三年。王莽時絕。凡六傳。

一百一十九年。

高密 哀王弘。廣陵厲王小子。宣帝本始元年。封為

高密王。八年。薨。子頃王章嗣。三十四年。薨。子懷

王寬嗣。十一年薨。子慎嗣。二十九年。王莽時絕

凡四傳。八十二年

昌邑 哀王髡。武帝子。天漢四年立。十一年薨。子

賀嗣。十三年。昭帝崩。無嗣。徵典喪。即皇帝位。二十七

日。以淫亂廢歸故國。賜湯沐千戶。國除。為山陽郡

凡再傳。一十四年

宣帝子為王者。凡四國

淮陽 憲王欽。宣帝子。元康三年封立。三十六年薨

子文王玄嗣。二十六年薨。子續嗣。九年。王莽時絕

凡三傳。七十一年

楚 孝王囂。宣帝子。甘露二年立為定陶王。三年。徙

王楚。二十八年薨。子懷王文嗣。一年薨。無子。國絕

成帝復立支弟平陸侯衡。是為思王。二十一年薨。

子紆嗣。十年。王莽時絕。凡四傳。六十年

東平 思王宇。宣帝子。甘露二年封立。三十二年薨

子煬王雲嗣。十六年。坐息夫躬告祝詛廢。自殺。國除

元始元年。立雲子開明。為東平王。三年薨。無子。復

立開明兄信子匡。為東平王。王莽居攝。東郡太守翟

義舉兵。立信為天子。兵敗。為莽所滅。凡四傳。五十

一年

中山 哀王竟。宣帝子。初元二年立爲清河王。三年徙中山。立十三年薨。無子。國除。

无帝子爲王者。凡二國。

定陶 共王康。无帝子。元光三年立爲濟陽王。八年徙爲山陽王。八年徙王定陶。十九年薨。子欣嗣。十五年成帝徵爲皇太子。成帝崩卽位。是爲哀帝。成帝立楚思王子景爲定陶王。奉共王後。哀帝追尊共王爲共皇。置寢廟京師。乃徙定陶王景爲信都王。十三年王莽時絕。凡三傳。四十七年。

中山 孝王興。无帝子。建昭二年封爲信都王。十四年徙中山。三十年薨。子衍嗣。七年哀帝崩。無子。徵中山王衍。入卽位。是爲平帝。立東平思王孫桃鄉頃侯子成都爲中山王。奉孝王祀。八年王莽時絕。凡三傳。四十五年。

漢諸侯王金璽盤綬

諸侯王朝見天子。漢法當四見。始到入小見。到正月朔旦。奉皮薦璧玉。賀正月法。見後三日。爲王置酒。賜金錢財物。後二日。復入小見。辭去。凡留長安。不過二十日。小見者。燕見於禁門內。飲於省中。非士人所得入也。梁孝王西朝。因留且半歲。入與人主同輦。出與

文獻通考 卷二百六十五 三十五
同車示風以大言而實不與令出怨言謀畔逆乃隨而憂之不亦遠乎非大賢人不知退讓今漢之儀法朝見賀正月者常一王與四侯俱朝見十餘歲一至今梁王常比年入朝見久留鄙語曰驕子不孝非惡言也

右褚先生爲郎時聞於宮殿中老郎吏好事者之語然足以見漢諸王朝見之典云

景帝中五年令諸侯王不得復治國天子爲置吏

武帝初卽位大臣懲吳楚七國行事議者多寃晁錯之策皆以諸侯連城數十秦強欲稍侵削

數奏暴其過惡諸侯王自以骨肉至親先帝所以廣封連城大牙相錯者爲盤石宗也今或無罪爲臣下所侵辱有司吹毛求疵笞服其臣使證其君多自以侵寃建元三年代王登長沙王發中山王勝濟川王明來朝天子置酒勝聞樂聲而泣問其故勝對曰臣聞悲者不可爲索欬思者不可爲歎息故高漸離擊筑易水之上荆軻爲之低而不食雍門子壹微吟孟嘗君爲之於邑今臣心結日久每聞切眇之聲不知涕泣之橫集也夫衆噓漂山聚蟲成雷朋黨執虎十

夫撓權。是以文王拘於羑里。孔子阨於陳蔡。此乃烝庶之成風。增積之生害也。臣身遠與寡。莫之爲先。衆口爍金。積毀銷骨。叢輕折軸。羽翮飛肉。紛驚逢羅。潛然出涕。臣聞白日曬光。幽隱皆照。明月耀夜。蚊蟲宵見。然雪烝列布。杳冥晝昏。塵埃掩覆。昧不見泰山。何則。物有蔽之也。今臣雍闕。不得聞讒言之徒。蠶生道遠。路遠。曾莫爲臣聞。臣竊自悲也。臣聞社稷不灌。屋鼠不熏。何則。所託者然也。臣雖薄也。得蒙肺腑。位雖卑也。得爲東藩。屬又稱兄。今群臣非有葭莩之親。鴻

毛之重。群居黨議。朋友相爲。使夫宗室擯。骨肉冰釋。斯伯奇所以流離。比干所以橫分也。詩云。我心憂傷。惄焉如擣。假寐永歎。惟憂用老。心之憂矣。疢如疾首。臣之謂也。具以吏所侵聞。於是上乃厚諸侯之禮。省有司所奏諸侯事。加親親之恩焉。其後更爲主父偃謀。令諸侯以私恩自裂地。分其子弟。而漢爲定制。封號輒別屬漢郡。漢有厚恩。而諸侯稍自分析弱小云。

班固諸侯王表序曰。漢興之初。海內新定。河姓寡少。懲戒亡秦孤立之敗。於是剖裂疆宇。

二等之爵

項羽曰漢封功臣大者王小者侯也

功臣侯者百有

餘邑尊王子弟大啓九國

師古曰九國自鴈

門以東盡遼陽爲燕代

師古曰遼陽遼水之陽也

常山以

南大行左轉渡河濟漸于海爲齊趙

師古曰大行山

名也左轉亦謂自大行而東也漸入也一日浸也行音胡郎反漸音子廉反亦讀如本字

穀泗以往奄有龜蒙爲梁楚

晉灼曰水經云泗水出魯沂縣

臣瓚曰穀在彭城泗之下流爲穀水師古曰奄覆也龜蒙二山名

東帶江湖

薄會稽爲荆吳

文穎曰卽今吳也高帝六年爲荆國十年更名吳師古曰

荆吳同是一國也

北界淮瀕略廬衡爲淮南

師古曰瀕水涯

也音頻又音賓廬衡二山名也

波漢之陽亘九嶷爲長沙

鄭

曰波音波澤之陂孟康曰亘竟也音古贈師古曰波漢之陽者循漢水之往也水北曰陽波音彼皮反又音彼幾反九嶷山各有九峰在零陵營道嶷音疑諸侯比境

周币三垂外接胡越

師古曰比謂相接次也三垂謂北東南也比音

頻寐

天子自有三河東郡潁川南陽

師古曰三河

東河南河內也

自江陵以西至巴蜀北自雲中至隴

西與京師內史凡十五郡公主列侯頗邑其

中師古曰十五郡中又往

往有列侯公主之邑而藩國大者夸州

兼郡連城數十

師古曰夸音跨

宮室百官同制京師

可謂橋枉過其正矣

師古曰橋與矯同枉曲也正曲曰矯言矯秦孤

之敗而大封子弟過於強盛有失中也雖然高祖創業日不暇

給孝惠享國又淺高后女主攝位而海內晏

如師古曰晏如安然也亡狂狡之憂卒折諸呂之難成

太宗之業者亦賴之於諸侯也然諸侯原本

以大末流濫以致溢小者淫荒越法大者睽

孤橫逆以害身喪國師古曰睽睽卦九四爻辭曰睽孤見豕負塗睽

孤乖刺之意故文帝采賈生之議分齊趙景帝用

晁錯之計削吳楚武帝施主父之策下推恩

之令使諸侯王得分戶邑以封子弟不行黜

陟而藩國自析自此以來齊分爲七師古曰謂齊陽

城濟北濟南淄川趙分爲六師古曰謂趙平原真定中山廣

川河梁分爲五師古曰謂梁濟川淮南分爲

三師古曰謂淮皇子始立者大國不過十餘

城長沙燕代雖有舊名皆亡南北邊矣如淳曰長

沙之南更置郡燕代以北更置緣邊郡景遭

其所有饒利兵馬器械三國皆失之也

七國之難抑損諸侯減黜其官師古曰謂改

御史大夫廷尉少府宗正博士武有衡山淮

南之謀作左官之律服虔曰仕於諸侯爲左

也應劭曰人道上下舍天子而仕諸侯故

謂之左官也師古曰左官猶言左道也皆僻

以不正應說是也漢時依上古法朝廷之列

也設附益之法張晏曰律鄭氏說封諸侯有

重法也師古曰附益者蓋取孔子云末也為之聚歛而附益之之義也皆背正法而厚於私家諸侯惟得衣食租稅不與政事至於衰

也其後裔也故於天子益疎遠矣平之際皆繼體苗裔親屬疎遠師古曰言非始封之君皆

尊勢與富室亡異而本朝短世國統三絕師古

日謂成衰平皆早崩又無繼嗣是故王莽知漢中外殫微本

末俱弱師古曰殫盡也音單亡所忌憚生其姦心因母

后之權假伊周之稱顓作威福廟堂之上不

降階序而運天下師古曰序謂東西廂詐謀既成遂據

南面之尊分遣五威之吏馳傳天下班行符

命漢諸侯王厥角稽首應劭曰厥者頓也角者額角也稽首至地

也言王莽漸漬威福日久亦值漢之單弱王

侯見莽篡弑莫敢怨望皆頓角稽首至地而

上其壘師古曰壘說也額角師古曰壘說也稽與稽同

奉壘師古曰壘說也或迺稱美頌德

以求容媚豈不哀哉是以究其終始強弱之

變明監戒焉

漢興設爵二等曰王曰侯皇子而封為王者其

實古諸侯也故謂之諸侯王王子封為侯者謂

之諸侯群臣異姓以功封之謂之徹侯大者不

過萬家小者五六百戶以為差降古分土而無

過萬家小者五六百戶以為差降古分土而無

分民自漢始分民而諸王國皆連城數十踰於古制其諸侯功德優盛朝廷所敬異有賜特進者其位在三公下其次列侯有功德天子命為諸侯者謂之朝侯其位次九卿下皆平冕文衣侍祠郊廟其稱侍祠侯者但侍祠而無朝位其非朝侯侍祠而以下土小民或以肺腑宿親若公主子孫或奉先侯墳墓在京師者亦隨時見會謂之猥諸侯凡諸王侯皆金璽紫綬古者印璽通名今則尊卑有別漢舊儀云諸侯王金印黃金索駝鈕文曰璽謂刻曰某王之璽赤地綬列侯黃金印龜鈕文曰掌治其國王常冠遠遊冠綬五

采而多朱自稱曰寡人教曰令凡諸侯王官其傅為太傅相為丞相又有御大夫諸卿皆秩二千石百官皆如漢朝漢朝惟為置丞相其御史大夫以下皆自置之及七國作亂之後景帝懲之遂令諸侯王不得治民令內史治之改丞相曰相省御史大夫廷尉少府宗正博士官武帝改漢內史中尉郎中令之名內史為京兆尹中尉為執金吾郎中令為光祿勳而王國如故員職皆不得自置又令諸王得推恩封子弟為列侯於是齊分為七趙分為六梁分為六淮南分為三又令諸侯十月獻

耐金不如法者國除其縣邑皆別屬他郡千戶
置家丞不欲者聽之作左官之律附益之法自
後諸侯王唯得衣食租稅至成帝綏和元年省
內史更令相治民大司空何武奏罷內史相如
太守中尉如都尉參職是後
中尉爭權與王太傅但曰傳史記梁孝王景帝
母弟竇太后少子
相奏常不和築東苑方三百餘里為複道自宮連屬於平臺
四十餘里賜天子旌旗千乘萬騎擬於天子出
蹕入警起延四方豪傑山東遊士莫不至焉又
曰河間獻王景帝子也好儒學被服造次必於
儒者山東諸
儒多從之遊
漢初論功封列侯者凡百四十有三人蕭何外
為冠
戚與定天下者二人凡列侯金印紫綬大者食

縣小者食鄉亭得臣所食吏民凡皇帝之女為

公主皆列侯尚之周制王姬下嫁於諸侯以同
姓諸侯主之公者諸侯之尊

稱故謂之公主後漢荀爽上疏曰漢承秦法設
尚主之儀以妻制夫以卑臨尊者宜改尚主之

制以稱乾王國有傳掌輔導王初曰太傅後除
太字史記曰賈誼為梁懷

王太傅墮馬死無後賈生自相主統眾官後省
內史而相理民

傷為傅無狀哭泣歲餘亦死相內史而相理民
如郡太守史記曰曹參相齊聞膠西有蓋公善

治著黃老言乃厚請之蓋公曰治道貴清淨清
淨民自定參用其術齊國安集及入為漢相屬

其後相曰以齊獄市為寄慎勿擾也夫獄市者
所并容也今若擾之姦人安所容乎吾是以先

之也又曰石慶為齊相舉國皆慕其家行不言
而齊國大治為內史治國中尉掌武
郎中令秩

立石相社也石墨僕本曰太僕改
文學宋志云前漢王
大司

後石墨僕本曰太僕改
文學宋志云前漢王
大司



農衛士長太倉長。齊善鑿淳于意為之列侯國亦有相。所改

食國令長為之漢初侯王有丞相兼有相國按史記周勃破燕王盧綰得相國一人丞相二人

景帝省之餘略與王國同。公主有公令門尉。其有賜

重封者。張晏曰重封益祿也臣瓚曰增封顏師古曰重封謂加二號耳成帝鴻

嘉三年詔七大夫以上皆令食邑。秦本制列侯乃得食邑七

大夫即公大夫非七大夫以下皆復其身及戶勿事。戶一

之內皆不徭賦是歲又令吏民得買爵買級千錢

世主之公主封尚之。封尚之。封尚之。封尚之。

公主皆侯封尚之。封尚之。封尚之。封尚之。

祿小皆令封尚之。封尚之。封尚之。封尚之。

